


Theodore  
Besterman









I. L I P S I  
DIVA VIRGO  
HALLENSIS.

BENEFICIA eius & MIRACVLA  
fide atque ordine descripta.



A N T V E R P I Æ,  
EX OFFICINA PLANTINIANA,  
Apud Ioannem Moretum.

M. D C. V.

*Cum Privilegiis Casareo & Regio.*







ILL<sup>M</sup> ° ET REV<sup>M</sup> °

PRAESVLI

D. GVILIELMO DE BERGES,

ARCHIEPISCOPO ET DVCI

CAMERACENSI,

PRINCIPI S. R. IMPERII,

COMITI CAMERACESII.



NON diu, nec ancipiti  
consilij lance, delibe-  
randum mihi fuit,  
magne PRAESVL,  
cuius tutelæ vel gra-  
tiæ munusculū hoc  
meum offerrem: tibi debebatur. Ar-  
gumentum video? sacrorum res est; &  
tu sacrorum in ipsâ illâ prouinciâ, in  
quâ hæc gesta narrantur, antistes &  
præses.



præses. Hallæ, & templum, & sacrata  
in eo statua, tuæ iurisdictionis & curæ  
sunt : & iure igitur, quod de iis scribi-  
mus, in tuam item tutelam arbitriúm-  
que damus. Quid, quòd ipsa MIRA-  
CVLA censionem & tribunal tuum  
spectant? nequid vanum, subdolum,  
infirmum surrepat aut imponat, tuum  
iudicium & tabella quæritur: ad te ita-  
que imus, & velut ad Quæsitorem con-  
iicimus hanc caussam. Iam si splendor  
aut fama operi ab illustri præscriptio-  
ne tituli quæritur: possúmne magis in-  
clytum nomen, quàm GRIMBER-  
GIORVM, præferre? Vos olim è Duci-  
bus Brabantiaë, & mox Marchionibus  
Bergezomij, vos nobilissimis familiis  
innexi, locum & lucem inter Belgarum  
proceres semper tenuistis. Sed tu à te  
etiam lucem: qui animi dotes & virtu-  
tes



tes eas statim prætulisti, quibus vel ob-  
scuram familiam & famam illustrares.  
Sacris, Deo duce, admotus cùm Ro-  
mam & Italiam vidisses, Leodici in E-  
buronum vrbe sedem legisti: atque ita  
ibi egisti, vt voce ac digito signareris,  
probitatis, castitatis, modestæ grauitatis  
exemplar. Quæ ipsa statim te extule-  
runt, & in vetusto illo & augusto colle-  
gio principem locum DECANI titu-  
lo adsignarunt. Vidimus te hac digni-  
tate, in amore omnium ac veneratio-  
ne: & veritas ac merita, non simulatio  
aut adulatio dabant. Sed non diu vi-  
dimus: & diffusâ mox tui famâ, PHILIPPVS II. rex Hispaniarum Antuer-  
piam euocauit, ad Episcopale fasti-  
gium: cui par fuisti, & sedem imple-  
sti, eò dignior semper habitus, quò  
diutiùs imperasses. Denique magna



etiam illa Antuerpia, angusta Regi ac  
Principibus visa: Cameracum te pro-  
duxerunt: vbi nunc primariam digni-  
tatem sustines, cum fauore, laude,  
plausu,

*Lucret.*

*Omibus incutiens blandum per pectora amorem;*  
sed quem reuerentia tamen temperat  
ac concinnat. En causas dedicationis  
meæ, sed publicas: priuatam vnam  
addam? Olim cum Leodici esses, noti-  
tiâ & consuetudine iuncti fuimus, &  
priusquam inter Principes censereris,  
amici vocabamur. Hæc me impule-  
runt scriptum sacrum, & quod ego in-  
ter mea ab argumento amo, ad te cul-  
tus & affectus tesseram mittere: susci-  
pe Ill<sup>me</sup> & Reu<sup>me</sup> P R A E S V L, & si non  
ab ingenio aut labore meo, ab eâdem  
illâ causâ ama. Louanij, Idibus Iuliis,

∞. 10 CIII.

LE-



# LECTORI S. M. D.



*Acra hæc scripsi : & statim animi oculis prauidi fore, qui inclamarent: Quid in alienos fines scandis? quid vana hac affers, aut supra verum effers? Vtrisque respondendum breuiter est: & prioribus obduco, Christianum me, & quidem puri priscaq; ritus esse; quid alienum facio, si non adoro solum Numen, sed adorno? Decet nos, & laudes gratesq; ei dicere, & præsertim opera eius mira ac magna propagare: quod hic à me factum. Nam per Virginem matrem quæ Memoranda & Admiranda patrare ei visum, narraui. narraui, inquam: non subtiliter aut tenuiter aliquid super religione disputauit. Itaque intra fines meos mansi, & ipsum tituli mei atque inscriptionis agrum colui, id est, Historiam scripsi. Sed vanam, vel coloratam, aiunt alij. Dei fides, quàm falluntur! Nihil de mendacio aut fuce sumimus: Acta & Regesta legimus, & ex iis selegimus, quæ dignissima videbantur pro vulgari. An iis fidem non habent? in oculis plurimum gesta, testibus firmata sunt, sæpè magistratum signis: & caput rei, Acta hæc maiores nostri confecerunt, religiosissimi homines, & ante doctrinam hanc spernentem Diuos nati. An & de meâ fide dubitant? mittant visere, si non credunt: imò mittant, ut credant. Plura reperient: & quantumuis sint, ut cum Platone*



\*Præfracti *tone hoc dicam, \*κερόσβολοι, mitigabuntur & cedent, magnitudine vel novitate rerum perstricti. Miracula, ait Verè Augustinus, sunt introitus ad fidem. Quod si quis etiam sic non movetur: iure ei Homericum hoc*

*Lib. ix. Confess.*

\* — certe aures sunt tibi tantum Queis audire queas, perit Mēs ipsa Pudor que.

*accinam,*

\* ἢ νύ τοι αὐτως

*Οὐαὶ ἀκέμεν ἐς ἱ, νό & δ' ἀπόλωλε καὶ αἰδώς.*

*Sed de Actis, habuisse ea me descripta ex signataq; profiteor, operâ Auberti Miræi doctissimi viri, Canonici Antuerpiensis, & Ioannis Houij, magnifici in eâdem urbe civis. Gratia iis esto: mihi fides, qui apicem non detraxi, aut addidi: nisi quod digessi, concinnavi, & affectus obiter miscui, orationi erigenda aut animanda. Ius & laus est fieri. Etsi quæ magna laus? ex facili mihi & incunda opera hæc fluxit: & testificor, non decem totos dies illi impensos. Nimirum et auro aut ebori facile est decus addere, cum materies per se niteat: tale istis gratiam à stilo dare, per se gratius. Fruere bone Lector, & Euripidis illud semper hæc cogita:*

\* Sapere modeste, & colere quæ divina sunt, Pulcherrimum puto, atque sapientissimum Homini-bus esse.

\* Τὸ σωφρονεῖν δέ, & ἑἶναι τὰ πᾶν θεῶν, κάλλιστον οἶμαι γ' αὐτὸ, & σοφώτατον θνητοῖσιν ἔργον.

*Puto tecum Euripides: & odi, odi curiosulos, qui etiam in illa penetrant, id est, Gygantæo periculo in calum scandunt. Tu aliter, ut tuto & feliciter scandas: quod voneo, & DEVS & DIVA tibi mecum donent.*

I. LIPSI



I. L I P S I  
D I V A V I R G O  
H A L L E N S I S.

C A P V T I.

*Affectus noster vetus erga Divam: iter Hallas, & occasio scripti. tum versus.*



Primâ adolescentiâ DIVÆ VIRGINIS amorem & cultum indui, eamque patronam mihi & ducem in periculis, in molestiis, in omni vitæ cursu, elegi. Etiam in studiis. & siquid accuratius

pangendum, aut dicendum publicè esset, vbi Famæ vel memoriæ res agebatur, precibus & votis ad eam iuisse me fateor: & felici ferè successu. Itaque, vt primùm licuit, in Sodalitium eius nomen etiam dedi, quod apud Eburones, & in hac item vrbe frequens honestumque est: cui Patres Societatis Iesu præsident, diriguntque. Ab eodem deinde isto affectu Hallas diu adspiravi, tandem iui: locum in multâ apud nostros & externos famâ, & inclytum *Miraculis*, quæ tutelaribus ibi Diuâ à multis iam annis patrat. Sed cùm veni, & ca-

Anno 1661.

A

lidè



lidè templum adij, ac preces cœpi fundere, fensit  
trepido quodam gaudio, & mixtâ veneratione,  
corpus animumque percelli : & palàm in loco  
Numen esse, quod vel ignaris mentibus se su-  
perfundat. Precibus autem breuiter tunc ( ve-  
spera erat ) conceptis, & sequenti die sacris ritè  
peractis, quibus interfui; cœpi oculos auidè cir-  
cumferre ad Aram ipsam, ad Sacelli reliqua, Ta-  
bulas, Donaria, & plurima ibi diuinæ potentiae,  
aut humanę pietatis, monumenta. Vbique FA-  
CTA MIRANDA, supra captum aut fidem homi-  
num, supra ipsam naturam : & inter tot miranda,  
subiit illud mirari, nondum fuisse, qui ea scripto  
complecteretur, & Dei ac Virginis gloriæ diuul-  
garet. Incidit mihi cupido, fateor: cupido? quam  
voto etiam adstrinxi, concepique inquirere, col-  
ligere, scribere, quæ huic rei essent. Eâ mente ad  
hospitium redij, Versibus paullò pòst testatus  
& gaudium meum in hoc adspectu, & laudes  
Diuæ leuiter, atque institutum meum, tangens.  
Sunt isti:

Ode



Ode ad DIVAM HALLENSEM  
ab interuallo conspectam, & veneratam.



*Vem me, quòue loci esse  
Dicam? tene ego, Diva,  
Cerno? te fruor, & datur  
Ora tueri?*

*Ora, qua toties mihi  
Contemplarier ardor:  
Pro quâ luce tot olim  
Voui ego vota.*

*Quorum nunc benè damnâs,  
Sacram pronus ad aram  
Flecto corpus, & ipsam  
Consecro mentem.*

*Suscipe, & tibi deditum  
O admitte clientem:  
Et lingua atque stili mihi  
Frena relaxa.*

*Et si quid tibi dicere  
Dignum, Diva, habeam? tibi,  
Quæ magni genus es Dei,  
Cui Deus ipse*

*Imputat genus, & suam  
Inscribit sibi matrem.  
O mirum! stupet hac humus,  
Et stupet ether.*



*Qui verbo omnia condidit,  
Is sese in gremium tuum  
Verbum condidit, & tuâ  
Editus aluo est.*

*Da flores puer, & sacri  
Da mi thuris honores:  
Illos spargere, & hos sit  
Fas adolere.*

*Plura non datur. & licet  
Prædicare silentio,  
Quæ laudes hominum supra,  
Quæ Geniorum es.*

## CAP. II.

*Origo imaginis à Divâ Elizabethâ. de hac igitur præmissum, de stirpe eius, quâ genita, & quam genuit, de morte & consecratione.*

**L** Audare igitur abstinebo, narrare incipiam, & stilo vulgare ADMIRANDA tua opera, utinam vel in fines ultimos terræ possim! Incipiam ab ipso capite, & primò dicam *Vnde hæc imago*, & in hunc locum delata: tum *Beneficia* adiungam, & *Facta inopinata*, & quæ non nisi diuinæ potentia vlla mens transcribat. Da mihi O DIVA, quam præsentem animo contem-  
plor, quod piè sanctèque institui, ritè & feliciter  
exse-



exsequi, nomini & cultui tuo propagando, pietati & sanctimoniam augendam: quos duos profiteor huic scriptioni esse fines. *Andreas secundus* Rex Hungariae ( quae priscorum ferè Pannoniam & Daciam continet ) Rex, inquam, Hungariae fuit, anno ∞. CCI. Vxorem habuit *Gertrudem*, Ducis Meraniae, Carinthiae, & Istriae filiam: cuius soror (dignum monitu) *Hedvигis*, nupta *Henrico Barbato*, Principi Silesiae & Poloniae, insigni pietate inclaruit, adeò vt Sanctorum numeris meruerit adscribi. Ea obiit anno ∞. CCXLIII. diu post ipsam *Elizabetham*, ex sorore neptem, de qua eo dictum. Nam Andreas ex coniuge illa sua tulit quattuor liberos, *Belam*, *Colomannum*, *Andream*, *Elizabetham*. Duos priores omitto, non pro re nostra: è duobus aliis, *Andreas* regni expers, ob nascendi ordinem, in Italiam & Venetias venit, fortunam sibi aut suis facturum, atque ibi ducta praediuite vxore consedit. Filium *Marcum* reliquit. qui largus opum, & honorum auidus, in Galliam, florentissimum tunc regnum, migravit: atque ibi dignum stirpe regia coniugium & proles repperit, fundavitque inclytam hanc CROYORVM familiam, nunc quoque opibus & honoribus florentem. Cui magnum decus DIVA ELIZABETHA innectitur, soror, vt dixi, huius Andreae, & filia illius Regis. Haec ad institutum nostrum maximè pertinet, & eius



ergo præmittenda illa ad lucem fuerunt. Quæ admodum puella, & trimula dumtaxat, *Ludovici* filij *Hermanni*, Lantgrauij Thuringiæ & Hassiæ, nuptiis despondetur, legatis vtriusque missis: qui Ludouicus inter potentes Germaniæ Dynastas eminebat, & genus ac sanguinem ad *Carolum Magnum* referebat. Deducitur in Thuringiam anno post, id est quadriennis: & sub oculis curaque parentum, futuro marito crescit & educatur. Quantis iam tum sanctimoniam indicibus, longum sit dicere: hoc moneo, puellam, uxorem, viduam, miram pietatis laude celebrem fuisse: ideoque à pictoribus aut sculptoribus passim caput eius triplici coronâ insigniri, quam in quoque ordine illo iure sibi poscit. Sed hæc igitur grandiuscula, & viri iam patiens, marito iungitur, annos nata circiter quattuordecim. Is mulierem matremque fecit, & genuit ex eâ anno altero *Hermannum*, primum vnicumque filium: & mox biennio post filiam *Sophiam*, quæ Duci nostro Brabantiae nupsit, ut dicam; iterumque biennio, alteram *Sophiam*. quæ matris, opinor, monitis aut exemplo, pertæsa rerum terrestrium, & cælestia spirans, sacrarum Virginum cœtui se mancipauit, in Franconiæ monasterio *Kitzingâ*. Quod ita in Chronicis Erphordiensibus fideliter scriptis reperio: etsi alibi, hanc non *Sophiam*, sed *Gertrudem* dictam, & Virginitatem consecrasse Alden-



Aldenburgi. Hi liberi. neque maritus diu super-  
fuit: cùm tactus piæ militiæ amore, anno ∞. CC  
XXVII. vnà cum Frederico Imp. ad Terrâ sanctâ  
recuperationem iret: iret, nec perueniret. Nam  
Hydrunti in Apuliâ, dum transgressui omnia  
parantur, febri correptus obiit, siue vt alij, vene-  
no interceptus. De loco, plures consentiunt: legi-  
tamen qui in Siciliâ obiisse asserant. nostro for-  
tasse, non suo errore: cùm illius æui nomencla-  
turâ ipsa Apulia, & regnum illud hodie Neapo-  
litanum, Siciliae nomine dicerentur. Duplex  
enim ea erat, vltra & citra fretum siue pharum,  
vt loquuntur: atque ita igitur hîc capiamus. Sunt  
etiam qui in ipsâ Terrâ sanctâ obiisse, sed teme-  
rè & falsò, tradant. Loculus quidem & ossa paul-  
lò pòst ad mæstam Elizabetham translata: mæ-  
stam, etiam ab iniuriis, quas ab *Henrico* fratre  
mariti erat passâ. Is enim à primis statim nunciis  
de morte, Hermanni pueritiam suum commo-  
dum ratus, prouinciam, arcem, bona inuaserat:  
Elizabetham cum suis eiecerat: ita properè &  
ferociter, vt misera paruos liberos trahens, &  
cum fortunâ deserta ab omnibus, vix hospitium  
reperiret, metu potentioris. Contulit se itaque  
in Hassiam, tota pietati iam consecrata, ei que af-  
fiduè, ductore quodam *Conrado*, religioso &  
optimo viro, operatur Marburgi: vbi & diem  
suum obiit, etsi placato iam Henrico, & idè ab  
opi-

opibus instructior. sed quas non nisi in pauperum vsum, & statim elargitura admisit. Obiit autem quadriennio circiter à marito, anno ∞.CCXXXI. quod scriptores eius æui constanter tradunt: & ergo iuuenis obiit, nec nisi annos vintiquattuor nata: breui circulo quantam virtutum copiam complexa? Quæ famâ, sed & miraculis diffusæ, caput Ecclesię Gregorium tunc Nonum haud latuerunt: atque is eas produxit & propalauit, & ipsam, conuentu & consensu factorum Procerum Perusiæ, cælestium numeris adscripsit: iussitque precibus & veneratione prosequi, & festum quotannis diem habere XIII. Kalend. Decembres, quo ex hac vitâ migrasset. Diploma ipsum Pontificis Vaticana Bibliotheca in Regeſtis suis habet, promulgatum anno ∞.CCXXXV. quadriennio ab eius morte. Eo autem in Germaniam perlato, concursus Marburgum factus: ossa de humiliore in altiore locum, & augustiorem loculum, translata: cùm adesset Imperator ipse *Fridericus*, honoris & pietatis ergo, itemque Archiepiscopi Moguntinus, Coloniensis, Bremensis, & magna vtriusque ordinis procerum manus. Quo tempore è sacro cadauere oleum vbertim manauit. Imperator coronâ aureâ decorauit, alij donis aliis: ego te, Diua, breuiter laudibus precibusque, *Salue & fave.*



## CAP. III.

*De filiâ Eliſabetha Sophiâ. qua in Brabantiam venit, ſtatuas attulit, diuiſit, & quomodo hæc Hallis dedicata.*

**H**ermannum, vt dixi, filium habuit, ſed nec hunc longæuum. Cùm enim octauodecimo circiter anno vxorem duxiſſet, in flore æui, ſtatim ab iſtis nuptiis obiit, veneficio, vt conſtans fama ferebat, *Berchtæ Sebergiæ*, nobilis fæminæ: incertum amore an odio, ſuo an alieno impulſæ. Sed obiit, & ſororem reliquit *Sophiam*, de quâ tetigi, & nunc vberiùs dicam, vel Brabantie noſtræ cauſâ, in quam venit & nupſit; itemque inſtituti, quia propioribus lineis ſacram Statuam noſtram tangit. Igitur *Henricus* II. Dux Brabantie tunc præerat, cognomento Bonus: qui primis nuptiis *Mariam Suenicam*, *Philippi* Imp. F. vxorem habuerat, ex quæ eâ *Henricum* III. ſuſtulerat, Magnanimum dictum: vt tunc apud nos moris erat, principes viros titulo aliquo diſcernendi, vel potiùs honeſtandi. Is *Henricus* & poſteri in patriâ noſtrâ Principatum tenuerunt; & ſtirpe meliore deficiente, per *Margaretæ* nuptias ad inclytam BVRGVNDIÆ gentem detulerunt: quæ *Margaretæ*, matre item *Margaretâ*, *Ioannis* III. neptis nupſit *Philippo Audaci*, primo noſtro in-

B

ter

cc. cc.  
XLII.

ter externos Duci. Hęc igitur *Maria* cū prior *Henrici* vxor fuisset, abiissetq̃ue : iunxit ille sibi nuptiis alteris *Sophiam Elizabetha* filiam, generis nobilitate, & matris pietate demonstratam. Ex quā tulit item *Henricum* filium, cognomine Brabantinum dictum. Qui cū expers paterni Ducatus esset, fratri pręrogatiuā ætatis transcripti: annos iam duodecim natus adiecit oculos atque animum ad Thuringiæ & Hassiæ Principatum, materno iure & gratiā fretus. quippe quæ in iis locis, vel Diuæ *Elizabetha* memoriā, vel & propriā virtute, ingens nomen & amicos fautoresq̃ue reliquisset. Sed ecce, mortuo *Hermanno* fratre *Sophia*, cui ius illud sine controuersiā debebatur, successit & vindicauit sibi, exclusā fæminā, *Henricus* frater *Ludouici*: tenuitq̃ue quoad vixit, opibus & potentiā valdè auctus, & faciente Pontifice Innocentio II. Rex Romanorum contra *Conradum* Frederici F. electus. Quem prælio apud Francofurtum etiam vicit: vir magni animi & spei, sed quam Fata inciderunt, obiitq̃ue anno post electionem, liberorum expers. Ea res iterū ius & spem *Sophia* nostrę præbere visa, venitq̃; multis aduocantibus in Thuringiam: etsi alij contrā nitebantur, aduocato *Henrico* altero, Marchione Misniæ & terræ Orientalis, nato ex sorore *Henrici* Regis defuncti. *Sophia* vetus ius prætendebat; iste nouellum.

deni-

cc. cc.  
XLVII.



denique pacificatione aliquoties tentatâ & irritâ, armis decretum est : quorum finis, vt partitione factâ , Thuringia penes Marchionem Misniæ maneret , Hassia Henrico Brabantino cederet. Idque ad posteros obtinuit : & stirps ista , quæ hodieque est Landtgrauiorum Hassiæ, originem & dynastiam suam Henrico, & Sophiæ eius matri debet acceptam , itemque piæ Elizabethæ. Sed abite nunc confines historiæ ; ad rem ipsam nostram veniamus, quâ causâ, & fidei struendæ, hæc præmissa. Sophia igitur ista maternæ pietatis etiam heres & adsecla, Diuæ Virginis cultui inprimis fuit mancipata. Putatur à matre statuas aliquot accepisse, quas vel ob eius memoriam caras sanctasque habuit : è quibus vnâ Viluordiæ, in cœtu Virginum religiosarum dedit dedicauit, miraculis olim & nuper claram, cui cognomen DIVÆ CONSOLATRICIS à re inditum : quia multi malis animi corporisque remedia illuc aut leuamenta reperiiebant. Tres alias dedisse *Machtildi* sorori Henrici Ducis, mariti sui : quæ alteris nuptiis iuncta *Florentio* IIII. Hollandiæ & Zelandiæ Comiti fuit. E quo coniugio *Guilielmus* II. ille natus, illustre nomen, & Rex Romanorum in dissidio electus. Accepit, inquam, Machtildis ab ipsâ Sophiâ : quod vero propius & rationi temporum assidet, quàm vt à Diuâ Elizabethâ, quæ diu mortua, & vix est vt

causam donandi, aut arctiorem notitiam, in tam diffitis locis, habuerit cum istâ. Undecumque ea nacta, Statuas tamen habuit, coluit: & iam moritura dispartiuit, & locis suis quamque assignauit. Vnam Grauesandæ, Hollandiæ veteri opido, quod finitimum est Losdunensi cœnobio: quod ipsa condiderat, in eoque vitam à morte mariti castè pieq; egerat. Alteram Harlemi, adseruandam in sacrario Carmelitarum: tertiam denique hanc nostram *Hallis* Hannoniæ collocari voluit, siue iussit. Quare illic, & cur extra Batauiam? Credo, quia inter alias prolem ex Florentio marito *Adelheidem* genuerat, nuptam Ioanni Auennensi, Comiti Hannoniæ: & hanc igitur, eiusque ditionem, sacro hoc donario iuit auctum. Hoc euenit anno Christi ∞. CC. LXVII. quo Machtildis illa diem obiit. Addo obiter, huius filiam fuisse item *Machtildem*, quæ nupta Comiti Hennenbergio vno partu protulit CCCLXIII. proles, quas Otho Antistes Ultraiectinus sacro fonte omnes abluit: rem fabulæ, quàm historiæ prœpiorem, nisi eam Annales nostri constanti assensu tradidissent.



## CAP. IIIL.

*Aliquid super ipso opido Hallensi, itemq; templo.*

**E**Rgo hæc illa, & tali origine, Statua est quam *Hallis* hodieque colimus : de quo loco & opido, exterorum causâ, breuiter libemus. Est illud in finibus Hannoniæ, quâ Brabantiam tangit, tertio à Bruxellâ nostrâ milliari. Ipsum modicum est, neque opere aut edificiis conspicuum: sufficit loci sanctimonia, ad præsidium simul & ornamentum. Ager tamen in ambitu bonus, fœcunda pratis aruisque planicies, quam Zenna flumen interluit, & ipsum item opidum : atque illinc riuus amnibusque auctum Bruxellam, nauium in eâ & extra eam patiens, venit. Nomen à tutelâ aut conseruatione habet, vt aliæ item *Halæ*, siue placet *Hallæ*, quæ passim exstant. Enimuerò vulgò etiam ædificia sic appellamus, vbi merces aut homines tueri ab iniuriis aëris solent: aut litterâ mutante, *Salas*. Atque ista vox Gallis nobisque in assiduo vsu est, pro *Atriis*: causâ eâdem, quia ibi conuentus, & in tuto ac fudo agunt. Sed & *Halas* Louanij habemus, veterem lanificij & lanificum domum, eorumque receptui: nunc, meliore auspicio, ab Arachne ad Palladem translata, in quâ optimarum artium scientiarumq; doctores & discipuli cottidie operantur.

rantur. Sunt & Saxonice *Hala*, itemq; Tirolenses ad Oenum: à salis asseruatione dictæ, siue ab ipso *sale*: nam & hoc originationem suam primogenio huic debet. Quid enim magis, quàm *Sal*, seruat? quod priscis Græcis nostrisq; *Hals*, siue *Halt* fuit: & mox in *Salt* mutauit: ab eoque, dixerit Becanus, Latinorum *Salus*. Hoc nostrum opidum quando conditum, nescio: vetustatem tamen aliquam habet. Itémq; arcem, Dynastarum eius tractus olim domum, an Prætorium: in quâ egisse sepiùs, atque etiam obiisse *Philippus Audax* dicitur, is qui Flandriam cum Brabantia iunxit. Et si Frosardus in opido quidē, sed in hospitio Cerui (nunc quoque domus ibi, & insigne) non autem in arce scripsit obiisse. Id fuit anno Christi ∞. CCCC. IIII. Est autem templum in opido, foro imminens, eleganti satis opere: cuius ala ingredientibus sinistra sacellum habet & Aram, ac super eam Statuam hanc *DIVÆ VIRGINIS*, de quâ agimus & agemus. Sacellū modicum est, ornatū à donariis & tabulis votiuis habet, religionem à se, & nescio quomodo ingredientibus ea tangit. Concurfus huc olim & nunc vndiq; , etiam à longinquis locis, & quàm latè propemodum Christiani fines se tendunt. Quid mirum? *MIRA* hoc effecerunt, quæ crebra & vel assidua hîc euenerunt, eueniuntque. quod boni gaudeamus & iactemus, improbi liueant, aut calumnientur.



SACELLVM D. VIRGINIS, ET PRAECIPVI ORNATVS.



Cornelius Galle sculpsit.

Statua sacra. 2. Duodecim Apostoli argentei, donum Philippi Boni. 3. Statua Diue argentea, eiusdem munus. Maximilianus Imp. Albertus Dux Saxonie, & quidam procerum. 5. Arbor aurea Maximilian, inscripta ANNO VIII. 6. Lampas argentea Iulij II. P.M. inscripta, ANNO VIII. IVLIVS PONT. MAX. Paludamentum Caroli V. Imp. 8. Statua argentea viri geniculantis, donum Eucherorum.





## CAP. V.

*Transitum ad Miracula ; sed primò communiter  
Vera hac asserta , & discrimen triplex à Falsis  
datum .*

**Q**uid tamen calumnientur ? non certius di-  
uinitatis argumentum , quàm à MIRACU-  
LIS : quæ Deus ipse homo factus , vt talem se asse-  
reret atque ostenderet , palàm exhibuit & vulga-  
uit. Sunt, & fuerunt Genij , fateor , qui ludibrio  
aut fraudi nostræ similia quædam patrant : sed si-  
milia. ab ipsis illis Veris non vnâ aut fallaci notâ  
seiuungenda. Dicam , vt bonitatem nostris præ-  
struam , & contra improborum , an impiorum  
calumnias , præferam scutum. Triplex nota est,  
quâ Vera à Vanis miracula differunt : *Magnitu-  
do, Finis, & Fides*. Magnitudo, quòd non exigua  
aliqua aut leuia sunt in opere , sed quæ opinio-  
nem, sensum, naturam omnem vincant : & quæ  
ipsa illa Natura non nisi domino suo possit indul-  
gere. Legistine à Moyse, Pharäone rege arbitro,  
victos variè eius præstigiatores, aut Magos ? Tale  
vniuersè in Veris Vanisque scito : vim illïc ve-  
ram & diuinam eminere , ideóq; & maiestatem :  
hïc fallax aliquid , lusorium & illusorium , & in  
exploratione leue reperiendum. Genij se mi-  
scent, ærei, terrei, aut inferi , & opellas aliquot  
C exhi-

exhibent, sed opellas: quod ex comparatione diuinorum operum peruideas, & peruincas. En in veteris Scripturæ libris, tot centena millia hominum, sectis diuisisq; aquis, velut per siccum tracta. En iterum, in squalidis arentibusq; locis, è durâ petrâ, ictu virgæ, torrentes aquarum manantes. Quis non augustum & ingens hoc videt, in mari abductas, è lapide eductas aquas? & à quo nisi à Numine? Nam magi omnes conueniant, non facient: nisi fallaci aliquâ imagine, & sine alio fructu mox periturâ. Idem in nouæ Scripturæ libris, idem in nouitiæ magis & nostræ. Non damus nauim zonâ mulierculæ alligatam, & aduerso flumine motam; non aquam in cribro gestatam; non manu permulsam, & tactu aëneam factam barbam; non cotem nouaculâ scissam: minuta & à minutis Geniis hæc facinora esse scimus. Quid ergo nos? claudos erectos; cæcos luce affectos; morbosos persanatos; mortuos ipsos fuscitados, & verâ vitali luce iterum donatos. Imperium in elementa, in animantia, in naturam ipsam rerum Christus & Christiani vsurparunt, & vsurpant. Iam discrimen alterum à Fine est. Vt demus magna quædam à profanis prauisque hominibus patrari: finis dissidet. Illi in ludibrium aut noxam faciunt: nostri in serium fructum, aut salutem. Præstigiatores, calculatores, & id genus, quid nisi vanâ specie obiectâ oculos sensus-



sensusque fallunt? & fallendo delectatiunculâ aliquâ fortasse permulcent. Magi, incantatores, venefici, nocendi palàm finem habent, & ad Dæmonum cultum adducendi, quorum ope consilioque hæc patrant. Itaque non fallax & iste character. quòd Vera miracula ad verum, & vnum, Deum ducunt; falsa ad falsos, & multos. Tertium denique discrimen, Fides: atque id dupliciter. Primùm, quia vana multa eiusmodi fama aut scriptis prodita: & Liuius ipse non semel agnoscit, turbido aliquo tempore, *versis in religionem animis, multa visa creditaq; prodigia, quæ non erant*. Natura scilicet humana, superstitioni prona, hæc accipit: & fraus Genialis obiicit, insinuatque. Sensu etiam altero vana, quia speciem sæpe, non rem habent: non certè perfectiorem, aut diuturnitatem. Nam & Genij ecce morbos interdum, aut cæcitates, aut alia damna corporis curare videntur. Videntur, inquam. vel quia ipsi temporaneum aliquid tale intulerunt, vt auferant; vel quia non in longum curant, & eadem aut maior noxa (vsu cognitum) mox adhæret. Non sic in Veris, absit. omnia fidem habent, siue libris sacris tradita, qui non magis quàm eorum auctor (is Deus est) mentiuntur: siue bonis testibus arbitrisque affirmata: denique fidi etiam perfectique operis, nec retractantur ex facili, aut mutant. Et verò illa ipsa

tamen Geniorum opera sicui miranda videntur, ut flumen sistere, pluuias immittere, futura prædicere: quid nisi in Dei potentiam pia mens ducat, quo faciente, aut certè permittente, illa ipsa eueniunt? Ac si minuti creati isti spiritus talia; quanto maiora maximus ille, conditor & creator omnium, potest? Vides discrimina: interroget me aliquis, Sed cur Miracula hæc non ipse in suo nomine Deus, & magis sæpiusque hodie in Diuorum, & sæpissimè Diuæ suæ matris, edit? Cum Augustino respondeam, Non opus nunc Christo asserendo prodigiis: imò *siquis ea requirat, ipsum esse prodigium, qui mundo credente non credat.* Excipio, si apud gentes longinquas res geritur, & omnis fidei nostræ adhuc expertes. At in Diuis quia aliter est, & multi etiam Christum professi obstrigillant eorum honori, aut cultui: meritò extra ordinem eos asserit; & quos abiiciunt, alleuat; quos obtenebrant, illustrat. Et quis nescit, tot istas hodie nouellarum opinionum sectas, consensu & velut de compacto in vnam *Dinam Virginem* incurrere, & decus eius omne ire imminutum? Ergo iste vindex tuetur, & auget cotidie: & ausim dicere, nullibi, in nullo nomine aut titulo, plura & maiora *Miracula*, quàm in eius exhiberi.

Deciuitate Dei  
xii. cap.  
viii.



## CAP. VI.

*Miracula quæ ipsum opidum, aut templum, aut statuas propriè tangunt : & tutela in istis Dina palam observata.*

**E**T nostra iam videamus : quæ sedulò & fideliter ex archiis aut monumentis descripta trademus, procul ab adstruendo, omissioni propiores. Quid ita ? quia, vt cui superioris simplicitas aut neglectus fuit, multa ab iis non consignata scriptis fuere, etiam quæ in illustribus personis patrata opinemur. Quidni opinemur, in tam frequenti eius cultu : quem non nisi beneficiis & miraculis probabile est prouocatum ? Atqui pauca ante annum CCCC. exstant : nisi longius quædam spectant, quibus temporis nota non est adiecta. Queramur, imò indignemur : quamquam olim simile. atque ipse Augustinus, æuo illo curioso & erudito, scribit *multa ad memorias martyrum facta*, ignoratione aut obliuione, famâ excidisse. atque adeò in ipsâ urbe Carthagine euenisse, quæ Carthago nesciret. Simile Hallis nostris factum : & demus simplici pietati veniam, quæ contenta præsentis & suo fructu fuit. Illud autem primùm obseruo, in ipsâ Statuâ miri aliquid videri : quæ haud magna (bipedalis circiter) & è puro nec medicato

Lib. xxii.  
De ciuit.  
Dei, cap.  
viii.

C 3

ligno,

ligno, tot sæcula perseuerat, immunis adhuc ab exitiali peste. Immunis etiam ab incendiis: quæ vrbecula illa aliquoties, vel nostrâ memoriâ, sensit: cùm illa Diua & se, & templum suum, omni vicino foro, & iuxta ipsam ædem ædibus ardentibus, defendit. Quid, quòd ab hoste, & vi bellicâ, defendit? Incolæ præferunt, & Annales referunt, aliquoties opidum illud, nec situ nec opere munitum, tentatum ab hoste, vel clàm & fraudibus, vel palàm & machinis: sed tutelâ præsidioque eius stetisse inuictum. Cùm bellum ciuile, aut potius intestinum, inter miseros & fato quodam huic malo destinatos Belgas esset, quo tempore *Maximilianus Primus Austriacus* rebus præerat, filij sui Philippi tutor: cùm, inquam, alia Flandri atque vnâ Bruxellenses, alia & meliora Hannonij & maior prouinciarum pars sentirent, Principi

\* Philip-  
po Ma-  
ximiliani  
F. atque  
ipsi Ma-  
ximilia-  
no.  
∞.cccc.  
LXXXIX.

\* nouo & veteri adhærentes: ecce *Philippus Cliuius* partium aduersarum Dux, animo & manu strenuus, Bruxellæ tunc agebat, & valdè in rem putabat *Hallas* ita propinquas capi. Vno anno bis tentat. per insidias semel, & occultam intra muros conspiracyonem: iamque copias ad sex millia militum cum tormentis eduxerat, ignaris superuenturus. Casu ciuis (quid casu? Numine, & Diua vigilabat) ciuis, inquam, Bruxellensis à præsidiariis capitur: qui rem omnem & coniuratos ipsos detexit. Cliuius ignarus ad-

ue nit,



uenit, & vt putabat, ignaris. Illi silent, dissimulant, adire patiuntur, fossas transire, muris subire: tum vndique ex præparato, ingruunt, tela, viri, fæminæ, & magnâ suâ clade proturbant incautum hostem: deleturi etiam, si maior aliqua manus in opido fuisset. Alterum eodem anno, clarioris subsidij. Quod fraus abnuerat, à vi Cliuius vult impetratum. Venit eò cum instructo decem millium equitum peditumque exercitu. Ita autem subitus venit, vt centum viginti Hallenses præsidiarios, lignatum & pabulatum egressos, ad vnum omnes interciperet: tristi augurio, & damno certiore, quò minor in vrbe manus, vix ducenti quinquaginta milites, remanebant. Sed DIVA scilicet, quæ tutelæ suæ totam rem facere voluit, etiam muros dirui tormentis passa, & aditum lato limite fieri, quâ vel tria plaustra transirent. Præterea ignis, ferreis cauatis globis, & quæ emissi patescerent eumque funderent, in domos variè sparsus: & quasdam iam comprehenderat. Vbique periculum, clamor, consternatio: sed in vnâ re ciues constantes, ad DIVÆ opem piis votis confugiunt. Tum velut robore diuinitus immisso, à templo feruntur in hostem, ipsi sacerdotes iis mixti. Pugnatur acriter, illinc viribus, hinc animis maioribus: ac denique sub vesperam cum multâ suâ cæde hostis pellitur, ipse quoque fassus Numen sibi palàm repugnasse. Interea fæminæ  
& im-

& imbellis manus incendia restinguere. è quibus decem, vnâ aliquâ domo conscensâ, cum eâ ipsâ decidunt. Mortuas & obtritas, tam graui ruinâ, omnes existimare : at illæ surgunt sine maiore aliquâ noxâ, & domum quæque suam, suis pedibus, eunt. Quis non tum laudes gratesque sacrę Virgini corde, ore, plausu dixit? Et hostis cùm sequenti die iterum oppugnare pararet: ecce tabellarius à *Carolo Croyo* Chimaci Principe ( qui toto hoc bello fidam & eximiam operam Maximiliano præbuit : cuius ad illum litteras latinè scriptas, ipsâ Maximiliani manu, libens \* vidi) ab eo, dico, Hallensibus litteræ, quibus intra triduum auxilium & copias magnanimus ille Princeps promittebat. Ciues gaudio exsultare, tympana & campanæ sonare, omnia lætitiæ signa dare: vt hostis non aduentare, sed aduenisse iam auxilia suspicatus, siue Deo etiam terrente & auerente, trepidus festinusque inde discederet : ne mortuorum quidem curâ aut sauciorum, quos in fossis viisq; reliquit, ipsa etiam oppugnationis aut belli instrumenta. Sanè centum circiter globos è ferro aut lapide, etiam nunc monumentum rei, in æde sacrâ seruant, arcis ligneis conditos, qui triginta, quadraginta, sunt & qui sexaginta, pondo libras pendunt.

\* *Ostendite Illustro Caroli, Ducis Crocy & Archotano.*



## CAP. VII.

*Duo eiusdem rei exempla, à nostro ano, serua simul  
& iocosa.*

**S**Ed hoc etiam, in eadem tutelâ sui & suorum, Anno ∞.  
IO. LXXX.  
Slepidum, & quod cum risu admirationem  
habeat; gestum haud pridem, isto nostro infau-  
sto ciuili bello. *Olinerijs Templius*, vir militiæ  
gnarus & acer, Bruxellæ præerat: quæ tunc quo-  
que in alias partes iuerat, non capta, sed decepta.  
Iste imminebat Hallis assiduè: quas cum Han-  
noniâ & Artesiâ, restitutas iam Regi audiebat.  
Bis igitur tentat. eò audaciùs quòd & finitima o-  
pida suæ potestatis essent; & in ipsis Hallis vix  
quadraginta nouelli milites, qui tuerentur. Pri-  
mo die repellitur, & callidè, quasi omisso ince-  
pto, abit: sed in animo aliud versat, & clàm con-  
ductis in vnum præsidijs vires auget, & inopina-  
tus sub noctem sequentem redit. Et iam cum  
scalis & reliquo apparatu, in viâ, vt fit, incedunt  
alacres, mutuò sese adhortantes. Erat in nume-  
ris *Joannes Z-v-yckius* quidam, homo non reli-  
gionis solùm & vitæ improbus, sed linguæ. Is ca-  
nere iam triumphum, & iactitare palàm, *Se suis  
manibus Hallensi muliercula* ( Dei parentem in-  
telligebat ) *nasum abscissurum*. Itur porrò, per-  
uenitur: quid factum? Diua audierat, & quasi  
D talio-

talionis pœnam machinata, procurat mox, glande plumbeâ excussâ, scurræ illi ipsi nasum auferri. Pœnam habuit, & irrisum inter ipsos commilitones perpetuum meruit : qui identidem hominem ad nasum recipiendum Hallas mittebant. Sed & alter in eâdem expeditione, *Ioannes Ryffelmannus*, immaniore etiam sæuitiâ, & ore tetriore effuderat, *Sacratam se statuat Bruxellam adducturum, at qui ibi igne subiecto publicè crematurum*. Deus, Deus (mitissimam Virginem hîc omitto) audiit : & illi impio blasphemum os ac mentum tormenti ictu abstulit, & paullò pòst ipsam vitam. En vindicem etiam Diuam : sed magis iuuat audire & videre adiutricem ..



HALLAE OPIDVM



2. Olivarius Tempelus  
Hallas frustra bis  
tentat 9. et 10. Iulij  
A. 1580.  
B. Locus aggrissionis  
Tempelij.

1. Philippus Clivius cum suis Hallas frustra oppugnat.  
A. 1489.  
A. Porta S. Catharinae.





## CAP. VIII.

*Beneficia eius deinceps in priuatos. & primò à morte seruatus & patibulo, qui Falconem amiserat.*

**Q**uàm variè, & quàm multis! in animo, in corpore; in periculis, in calamitatibus; in languoribus, in ipsâ morte. Exempla videamus: & primum istud, quod lignea vetus imago repræsentat, donarium ibi & monumentum. Scripta etiam in archiuis habent plenam historiam: sed annum omittunt. & rem tamen veterem esse, cùm dictus ille typus, tum ipsa scriptio adfirmat, vetustioris stili ac linguæ. Res ita habet. Aucupium inter nobilitatis nostræ prisca & prima exercitia fuit, etiam nuper: priusquam tristia hæc bella omnem ludicram honestamque voluptatem arcerent. Huic capturæ Falcones habebantur, impenso pretio è Septemtrionis ferè partibus petiti, fusci, albicantes, aut variij: bonitate etiam variâ, vt genus cuique suum, & ex eo vigor aut rapacitas erant. Vir igitur nobilis (nomen filetur) talem auem prædatricem æstimatam & amatam habebat: quæ casu, aut negligentia ministri, auolauit. Dominus in occasione requirere: ille mussare, & quod res erat denique dicere, Auolasse. Bilis huic in naribus: & *Sceleste, sic imponis? pretio auem alienasti, &*

*manum mihi mendacio adis. Audin' autem? serio edico, nisi intra quinque septimanas (hanc compendinationem vitæ tuæ dono) auis comparet, tu peristi.* Seruus in metu, qui dominica & semi-barbara tunc imperia norat: itaque requirit ipse & alij vndique, siluas & deuia vestigant. frustra. Dies lapsus, hero minç non elapsæ: quas ad rem vult conferre. Iterum ille supplex precatur, & impetrat menstruam dilationem. Sed nulla quæsitio iuuat. Dominus crucem iubet statui, misellum sub eâ destitui, iam laqueo illigandum. Carnifex adest, \* oculi obligantur: spe omni atque ope humanâ abeunte, diuina subuenit: & in mentem ei est *Diua Hallensis*, quam miserorum, & præsertim innocentium, sæpè leuamen audierat fuisse. Tacitis precibus inuocat: atque ecce statim in aëre visus audire sonum tintinnabulorum, quibus pedes huic auitio, vt amissæ se prodant, solent illigari. Iam mens, iam spes illi reddit: & dominum supplex rogat paullum reuelari, vt liberis saltem, & erectis in cælum oculis, vltimas preces possit effundere. Conceditur, orat iterum *Diuam*, quàm ex animo quid opus dicere? pro ipsâ animâ. Ecce autem palàm & in conspectu omnium, ille ipse Falco, nihil deterritus eâ populi multitudine, è sublimi aëre præceps deuolat, & in humero eius confedit. Clamor & gratulatio facta: ipse auem, in aue vitam recuperat,

\* Ita in  
Scripto.  
hodie nō  
vfitatum,  
in illo  
supplicio.



rat, dominus innocentiam. At Diua Virgo omnium ore laudes accipit : & ab ipso quem seruauit testimonium. quod, vt dixi, nunc ibi in ligno compâret: aliquâ tamen dissonantiâ à recitatione meâ & Scripto. Nam illîc Falco non precanti & appendendo, sed iam appenso & illigato superuenit: quod magis sum vt credam, & augendæ admirationi facit. Cur enim non tam vetusto typo? in quo etiam vestitum veterem notes, seruitunicati & accincti.

## CAP. IX.

*Quidam inter aquas seruatus, in immani & subito dilunio.*

**A**liud ab illo æuo : sed quod certius designem. Euênit enim, vt memoriæ veteres habent, anno  $\infty$ . CCC. XC. mensis Augusti die, qui Petro est sacer. Angianum in Hannoniâ opidum est, in decliui situm : vbi ciuis quidam inter gregarios, *Pastinus* nomine fuit. Euênit die iam dicto, vt subita & prodigiosa tempestas esset; nimbi, tonitrua, fulmina, & aquæ sic densæ caderent, vt torrentes vbique fluerent, domos abriperent, plateas delapidarent, molas auferrent, omnia denique, vt mare, inundarent. Homines trepidare. alius in altum, alius imum fugere; ille aquas, hic fulmina : & *Pastinus* noster in cel-  
lam

lam penuariam suam, pluribus gradibus demissam. Dum ibi est, & seruare etiam edulia aliqua aut vtenfilia sua satagit; ecce aquæ vis perripit, cauum implet, tantâ vi, vt exitus ipsi, nec ipsis quidem esset, nisi muris in parte perruptis & deiectis. Sed nec sic finis. aquæ aliæ adueniunt, & iam *Pastino* mors in oculis, *Diua Virgo Hallensis* in sensibus: quam trepidus inuocat, & vnâ (illâ inspirante) ianuam in sublimi, quæ fornicem claudebat, manibus apprehendit. Tenet fortiter duas totas horas, & aquæ nihilominus vndique assultant, mentum & caput interim supergrediuntur, aut tangunt. Iam nox aduenit, & mortis nuncia aut soror caligo: cùm ille flebiliter iterùm Diuam, nec frustrâ, inuocat. quippe quæ claris radiis immixtis locum illustrauit, & simul vires ei addidit ad perdurandum. Nox & aqua abiit, ipse emerfit, vxore & prole tamen submersis: Hallas venit, ceream imaginem obtulit, septemdecim fidos testes adduxit, qui vnâ cum eo de re sic gestâ affirmarunt.

## CAP. X.

*Puer mersus in vitam renocatur.*

**A**Lia rei magnæ, sed breuicula, & sine tempore, aut personâ, loco, narratio: sed vetus, & mihi fida. Puer domo egressus quæritur duas horas



horas ampliùs, nec inuenitur. Pater denique in lacunam lapsum repperit, capite in limo fixum, pedibus supernè elatis. Educit, deponit in terram, adstat mœstus, & explorat siquid adhuc animæ insit. Exspirasse videt, & hora tota iam lapsa ab educatione erat: cùm interno quodam instinctu ad *Virginem Hallensem* impellitur, ei que puerum & preces offert. Vix factum, vita redit, puer palpitat & erigitur, cum læto patre domum abit.

## CAP. XI.

*Homo mali genij hospes ab eo liberatur.*

**A**Lia item sine tempore, sed aliis tamen notis insignita. Fuit Aldenardæ in Flandriâ *Reinervus Vilegemius*, vir mente & corpore validus: sed in quem ipso Assumptionis Diuę Virginis festo malignus Genius irruit, & domum sibi fecit. Fremebat, spumabat, laniabat sese & alios: fœda facies, & vel hosti miseranda: quid cognatis & amicis? Illi consensu & voto Hallas adspiciunt, tutelarem hanc inuocant, aduersus notum & sæpiùs fractum hostem. Audit, adest, occultâ vi eiicit: & statim restituit sibi & suis, verè iam *Reinervum*, & purum. O potens, ô benigna, nos quoque ab eodem fallaci serpente defende: & quæ caput eius semel in sacrâ partione tuâ contriuiisti, ne caudâ nos flagellet aut sternat, adiûna & indulge.

E

CAP.

## CAP. XII.

*Leodici puer luminibus captus, & toto corpore æger  
aut impotens, ab utraque labe sanatur.*

**A** Lia, carmine complectenda.

In terrâ & vrbe Eburonum fuit puer  
Stirpe atque censu honestus, æger corporis,  
Et orbe vtroque lucis orbus: quod patri  
Perdoluit & matri, atque amicis omnibus.  
Medicina adhibita frustra, inhærebat malum  
Et cæcitatis simul, & ægrimonix.  
Sed ecce fama melior aures accidit  
De Virgine hac Hallense. Vota nuncupant:  
Et nuncupatis luce donatur puer,  
Clarâ atque certâ: quique heri tenebrio  
Vulgò audiebat, prouocat nunc Lyncea:  
Donatur & salute reliqui corporis.  
Venit parens vterque, venit & puer,  
Cui *Nicolaus* nomen, Hallas oppidum:  
Sistuntque Diuæ sese, & vnâ imaginem  
Puri & puti argenti offerunt: quæ posteris  
Beneficij testamen esset & fides,

Salue ô amica mihi Eburonum vrbs, & his atque  
aliis documentis in auitâ tuâ, quod adhuc facis,  
religione perseuera.



## CAP. XIII.

*Tempestate iactati, & iam naufragantes erepti.*

**I**Am ad ea venio, quæ temporis, etsi non rei, Imagis certa. Anno ∞.CCCCV. viri tredecim, quorum nomina schidis expressa pretium non est iterare, naui è Batauiâ Antuerpiam vehebant. Tempestas oboritur & mare fit magnum, & nox superueniens mala metumque auget. Magis etiam gubernator, qui victam à vi artem fassus, oratione strictâ & asperâ hortatur, *Quisque se fatis paret, Deo litet, ad meliorem vitam iturus hac amissâ.* Fit gemitus, & comploratio, in genua voluuntur, manus ad cælum tendunt, præsentem omnes mortem exspectant. Fuit, qui suggereret, Diuam Virginem Hallensem communibus votis vocibusque inuocandam : quod faciunt. Et factò, statim clarum lumen naui superfuit, quod tenebras dispulit, metum minuit: & mox illâ gubernante naus portum tenuit. è quâ totidem illi viri egressi, omissis rebus, Hallas venêre, & vitam se Virgini debere testati, votum bonâ fide soluerunt.

## CAP. XIV.

*Furiosa virgo mentem recipit.*

**A**Nno ∞. CCCCVII. virgo fuit nobilis è gente Hangereliâ, quæ corpore sana, & formâ bella, subitò mente capta fuit, & in furorem data. Matrem habebat casu hoc (quis de parentali affectu dubitet?) confusam & afflictam. Omnia experitur & facit: ad Diuam denique Virginem ipsa auxilij causâ venit. In templo est, & preces fundit: ipso illo momento filia absens conualefcit, & plenè ad mentem rediit, priusquam mater rediret. O gaudium & amplexus! *Eamus mea filia, coràm gratias actura benignissima Patrona, cui tu sanitatem, ego vitam debemus.* Veniunt, ceream imaginem *centum decem pondo libras* offerunt, quæ filiam ipsam repræsentaret, ἱστάμεν *ut cum Græcis dicam, & ipso illo pondere æqualem.*

## CAP. XV.

*Puer in Mosâ iam mergendus educitur.*

**A**Nno ∞. CCCCVIII. Huyum opidum in terrâ Eburonum super Mosam est: qui medium scindit & interfuit, sed ponte lapideo coniunctum. Puer ibi annos quattuordecim natus, cum quattuor æqualibus suis cymbam conscendunt,



dunt, & solitâ huic ætati lasciuiâ in flumen pergunt, ludere & vagari captantes. Sed miseri in discrimen & angorem veniunt, venti surgunt, & flumen à pluviâ increuerat: iactantur, fluctuant, & tamen adnisi ad ripam appellunt, & quattuor exfiliunt, primus ille quattuordecennis puer relinquitur, repulsâ, vt fit, pedibus aliorum cymbâ. Venti etiam abripiunt, atque adeò cymbâ euerunt. puer in vndis voluitur, pueri compares Opem clamant: accurrunt plures, & inter eos trepida mater. Quid faceret? tollit in cælum oculos, & *O Dei mater, quæ Hallis coleris, matri succurre. Ego & filius sospites tibi sistemur: votum facio.* Dixerat. ecce puer inter ingentes vndas ad pontem abripitur, inter arcus illæsus transit, & ad medium circiter milliare supernatat: quo, nisi cælesti manu, subleuante? Cuius ductu, longè infra opidum, in pratum deuehitur (nam flumen restagnabat:) & ibi molliter deponitur, ac matri redditur. Reddunt & ipsi votum Hallis, lubentes, meritò, tibi Virgo auxiliatrix.

## CAP. XVI.

*Puer iam mersus in puteo vita redditur.*

**A**Nno ∞. CCCCX. Bruxellæ in suburbio, quâ Hallas itur (*Obbrusseliam* vocant) rusticula mater erat; quæ puerum sexennem in viri-

darium secum duxit, herbas & gramen iumentis resectura. Comitatur & alter aliquis è viciniâ puer, & mater opus suum facit, suum pueri, id est ludunt. Sed puteus ibi profundior erat, è quo aquas hauriebant, in orbem lapidibus substructus, ut solet. In hunc filius fœminæ (*Lilia* illi nomen) improuidè decidit: puero altero adstante, & suppetias clamante. *Lilia* venit, puerum non videt, pilleum eius superfluitantem aquis videt, ipso graui casu ad fundum demerso. Tollit clamores, viciniam concitat: è quibus vnus denique cum harpagone accurrit, quo in aquam demisso puerum extrahūt, sed palàm mortuum, & colore mortis. Nam vel atrior carbone erat, sollenne suffocatis. Iacet ibi, & misera parens affligitur, simul alię mulierculæ: & tandem, vnâ aliquâ præeunte, votum Diuæ Hallensi concipitur: quod ab eâ auditur, statimque vitam & vires puer recipit, surgit, domum abit. Triduo post cum matre & vicinis Hallas veniunt, factum narrant, grates laudesque dicunt.

## CAP. XVII.

*Puer fasciâ strangulatus spiritum, & vitam recipit.*

**S**imile factum, & vitam puero, sed aliter suffocato, redditam nunc narrabo, quod euēnit anno ∞. CCCC. XIX. Binchium Hannoniæ opidum



dum est, aëre sanum, situ amœnum, & vtrâque hac dote Reginae Mariæ Caroli Quinti sorori commendatum, quæ amplas ibi ædes struxit, & hortos item variè instruxit. Libenter hanc heroinam ( sic appellanda est ) memoro, quia meritis eius in Belgicam hoc debetur : quam industriè, integrè, bono & gaudio omnium, annos aliquot nomine fratris moderata est & rexit. Sed in eo, quod institui, opido mulier paupertina erat, quæ operas locare mercede aliis solita : atque eo quæsticulo sese ac liberos tolerabat. *Catharina* illi nomen, & habebat infantem in cunis adhuc iacentem, *Christophorulum*. Ita eum reliquit, & ad sollennes, ut dixi, operas ipso profesto Paschatis iuit. Post horas aliquot quàm digressa, vicina mulier domum pulsat, nec artè clausam ( quid enim custodiretur in illâ inopiâ ? ) eam intrat. Neminem repperit, sed videt infantem cunis appensum è cingulo aut fasciâ, quâ illigatus supernè erat. Obstupuit, accedit, mortuum videt, & glacie frigidiorum. Scilicet euenerat, ut solus infans volutaret se aut verteret, & è cunis laberetur pendulus, collo obstricto. Clamat, & quiritatur, adueniunt, atque ipsa mater, tristitiam præfagio anxia : quid cùm rem videt ? Collabitur, alterum pænè funus. matronæ (& honestiores iam quædam excitæ erant ) atque vnà viri solantur, erigunt, & consecrare infantem *Diva*  
*Hallen-*

*Hallensi* suadent. Facit ex animo, & verbis conceptis: ecce autem infans rigidus, & tres amplius horas mortuus, animam recipit, & se commouet, oblata in cibum aut potum libat: denique valetudine integratâ, eum mater comitante matronâ nobili *Scarsiniâ*, & aliquot notę fidei hominibus, Hallas defert, offert, ac voti se absoluit.

## CAP. XVIII.

*Puella in puteum princeps lapsa, & suffocata, in vitam redit.*

**H**Em, magis priori illi simile inuenio, & puellam in aquâmersam, ad vitam reuocatam. Factum in arce *Ligniacâ* anno eodem  $\infty$ . CCCC. XIX. Virguncula erat (*Ioanna Mailarta* nomén) quæ ad domesticos vsus aquam petitum iuit, è profundiore puteo vicino. Is puteus (obserua) quadraginta circiter pedes altus à fundo erat: in superiore autem parte lapidibus marginatus, & saxo vno grandiore, cui adstare & inniti haurientes solent. Dum ergo puella fune aquam educit & attrahit, saxum anterius, quod dixi, collabatur: ipsa cum eo vnâ. Sed præter merfionem, aliud etiam malum. Natiuus lapis, siue rupes, in parte putei imi erat: in hanc impetu decidit & impacta est, vt caput grauiter læserit, brachium, & tibiam. Tibiam quidem ita, vt cùm extracta



extracta fuit, intumuisse eam viderint ad corporis totius modum. Semihoram deinde in aquis iacuit, priusquam auxilium adueniret: ac tum educta, mortua apparuit, atro & fœdo colore, ad horas circiter trinas. Mater puellæ cum pluribus, mœstissima inter mœstos, stabat: suggestum celebre notumque iam effugium, ad *Dinam* hanc Virginem. Ita preces & vota offerunt, admittuntur: & color primùm teter puellæ abit, vita redit, plagæ persanantur: ac denique post paucos dies voti damnata mater Hallas venit, puellâ comite, quam offert meritò suæ Seruatrici.

## CAP. XIX.

*Puer triduum mortuus, & sepultus, reviviscit.*

**S**Vnt hæc ferè vniformia, fateor: & alia etiam dicenda restant. Quid enim ista omittam? aut quid magis possit esse Dei potentiæ, matris gratiæ asserendæ, quàm mortuos per eam suscitatos? Gentiles hîc stupeant, improbi sileant: nec color sit istis verè *Miraculis* diluendis. Ergo non rem, sed stylum tamen mutabo & vertam.

Seneffiæ, qui pagus est Brabantia  
Hallis propinquus, nimia mira edisseram  
Olim accidisse. audite, res certissima est,  
Firmata scriptis seriis, & testibus,  
Firmata item tapete picto, textili,

F

Quem

Quem nunc videre templo in Hallensi licet.  
 Res sic habet. Matrona nupta, partui  
 Propinqua, languet: mortuam prolem parit.  
 Amici & agnati, vt solet, mandant humo  
 Cadauer: abeunt, atque luce postera  
 Matri haud volenti non volentes nunciant:  
 Sed nunciant. in lacrimas hæc soluitur,  
 Diemque totum luget: ecce vespere  
 Videre visa specie honestâ fæminam,  
 Solatij quæ hac lege faceret copiam,  
 Si vota concepisset Hallensi Deæ.  
 Nihil morata concipit, dein vocat  
 Oratque præsentem, suam prolem sibi  
 Saltem liceret leuiter oculis tangere,  
 Quam mensibus tot conditam in sinu suo  
 Mater tulisset. spernere illi, & dicere  
 Prolem sepultam, & mortuam ante triduurn.  
 Insistit hæc, & precibus iterum quæfere:  
 Negantibusque, versa in iram edicere,  
 Se potionis & cibi expertem fore,  
 Id donec impetrasset. His victi minis,  
 Eunt, refodiunt, adferunt, in lectulo  
 Locant parentis. illa lumen poscere,  
 Et intueri sedulò: quid fit? puer  
 Mutat colorem, è pallidoque punicat,  
 Mouetque; vtrumque brachium, & bis ter gemit.  
 Defertur in sacram ædem, vt vndis abluant  
 Ex lege sacris: sed sacerdos in morâ est.

Adsta-



Adstabat aræ, & incruentam victimam  
 Deo immolabat: immolato, iterùm tamen  
 Moratur, & negat puellum viuere.  
 Hi dicere, ille abnuere: at ecce mox puer  
 Et spiritum palàm atque aquas emittere.  
 Ergo ille munus fungitur suum, hi suum,  
 Domumque redeunt: denique à meridie  
 Sopitus iterùm, Christiani iam gregis,  
 Demoritur infans, cælicamque init domum.

## C A P. X X.

*Puer diu amissus, & in voragine mortuus repertus,  
 item vitam recuperat.*

**C**Antipratum pagus est in Cameracensi tra-  
 ctu, atque ibidem religiosorum cœtus cum  
 Abbate. Vir inhabitabat, cui nomen *Ioannes Bi-*  
*dâus*, atque illi puer bimulus, nomine *Martinus*.  
 Dies Dominicus erat, & vir cū vxore manè sacris  
 operaturi, Christiano more, ad templum eunt.  
 Emanent, & alibi apud amicos prandent: nec nisi  
 à meridie, secūdâ horâ, domum remeant. Statim  
 prolem suam oculis & affectu requirunt (nou-  
 mus parentes:) non reperiunt. Quærunt in vici-  
 niâ, & ab ipsis vicinis, si quis vidisset? negare om-  
 nes, pater percelli: & rogare igitur sese in quæren-  
 do adiuuent, sicubi fortè puer (nec longè tantillus  
 poterat) aberrasset. Eunt, reliquum diem illum

Anno 60.  
 CCCC.  
 XXVII.

vii. Martij.

& totam noctem quæſitioni donant, addunt diem alterum in vesp̄eram. Tum vicini desperantes inuenire, & bonâ fide alibi periisse arbitrati, patri Vale dicunt, & vt idem filiolo faciat, suadent. Domum quisque suam redeunt, etiam pater ad mœstam vxorem. eò vterque mœstior, quòd frigidissima fortè tunc aura erat, nec tenellus puer sub dio sicubi esset, posset subsistere. In hoc doloris æstu ad diuam Virginem, quæ Hallis colitur, animum & preces pater vertit, & votum peregrinationis addit. Statim in somnũ soluitur, & viso monetur quærere etiam puerum, certò inueniendum. Luce ortâ vicinos iterum adit, & rogat secum eandem operam dare. Haud facillè inducuntur, & *Irritam*, aiunt, *spem fones. nonne biduum iam panem quæſuimus? inuentus esset, si esset.* Tamen instantem sequuntur, & omnes agros, dumeta, fossas scrutantur: donec sub ipsam meridiem ad voraginem aliquam, limo & aquis obfitam, ventum. Pater instinctu aliquo interno, *Et hîc*, ait, *perquiramus.* Illi negare puerum eò pedes tulisse, quò agrè ipsi possent. Eunt tamen, ecce iacentem, & cœno atque aquis obrutum, reperiunt. Triste spectaculum. nec audent tollere: nam sponte aut casu mortuos tangere, nisi Iudice permittente, non licet. Ille igitur aduocatur, venit, indulget: puerum deinde ad templum deferunt, mox, vt putabant, terræ dandum. Sed  
patrem



patrem spes non deserit, & Diua Virgo excitat, atque internum robur addit. In altari igitur prolem collocat, ante ipsam Diuæ illius ibi imaginem: & prolapsus in genua, calidis precibus lacrimisq̃ue opem poscit. Adstabat turba hominum, ipse Abbas Cantipratanus *Nicolaus*, & puer (ô mirum!) statim vitam & vocem recipit, surgit, cum patre domum, cum eodem mox Hallas venit, gratias acturi, & laudes Diuæ meritissimò propagaturi.

## CAP. XXI.

*Mira, mira, de puero item resuscitato, aut sub terris seruato, non sine aliis stupendis.*

**Q** Vid iam narrabo? iterùm tale, sed quod plura miracula in vno continet: & quod diuinæ benignitatis & potentiæ totum fontem manat atque ostendit. Assurge anime & stile, & maiori quodam ore hoc effer: & vt possim, tu Diua manum moue, & mentem inspira. *Sancti Hilarij* vicus est minùs nobilis, iuxta Cameracum nobilissimum opidum. eius incola *Stephanus Morelius* fuit, cui vxor *Firmina*: & hæc prolem ei non prolem peperit, anno ∞. CCCC. XXVIII. Mortua enim erat, & obstetrix ac fæminæ omnes, quæ partioni interfuerant, ita iudicabant: idq̃ue exploratò, cùm lauissent, fouissent, igni,

Anno ∞.  
CCCC.  
XXVIII.

experiendę aut eliciendę vitę, admouiffent. Puer igitur in terrâ communi & profanâ, de more, sepelitur: & alij quidem curam aut cogitationem eius vnâ deponunt. At non mater, cui duplex luctus. & à morte prolis, & à tali morte, quòd nondum confors & particeps diuini baptifmi & lauacri fuiſſet. Itaque plangere, & ſe affligere: & tamen ſpem vel fiduciam in Diuâ Virgine ponere, eò magis quòd ſolita eſſet annuâ peregrinatione eam colere, & Hallas venire, ac ſtatuum piè caſteque venerari. Vota igitur facit, iteratque de die in diem, & contra ordinem rerum vel naturam pugnat, vſque ad diem quintumdecimum à prolis ſuę morte. Et iam fidentior eſſe, ac palàm affirmare illam viuere: gnaram certamque ſe factam ex viſo nocturno, quod ſæpius eueniſſet. Mulieres denique adminiſtras importuna vrget ac propellit ad hortum ire, vnâ cum patre Stephano, & puerum terrâ iam tot dies conditum contemplari, & arbitrari ecquid eius rei eſſet. Refodiunt tres pedes circiter deſoſſum puerum, terrâ etiam ſupernè pedibus inculcatâ: vident iſum & miraculum, pulchellum, viuidum, & roſę inſtar, quod dicitur, rubentem. Nulla nota mortis in corpore, ne noxa quidẽ, niſi quòd maxilla altera terrę aggeſtu & impreſſione attrita leuiter eſſet. Mirantur trepido gaudio, nec audent tamen tollere: quippe iamdiu mortuum: & contra



tra calumniam omnem, ad Pastorem suum eunt. Ille venit. ipse quoque stat attonitus, & signa vitæ palàm videt: suadet, quoniam in Divæ Virginis patrocínio puer esset, deferri ad proximum pagum *Vertenguelium*, qui frequētiór erat, & vbi ea colebatur. Eunt, obstetrix, fæminæ, magnâ pompâ: & quia dies inclinabat, & pagus secūdo lapide aberat, provida mater sacratæ candelæ cereę partem donat, quæ in laternâ præluceret. Mirum hîc alterum. cū lento passu irent, vt amat hic sexus, pars illa cerei, cuius modulus sesquipalmis erat, non defecit, ne minuit quidem: & perseueravit ardere ac lucere à sextâ vespertinâ ad lucem sequentis diei, sine vllâ, vt dixi, diminutione. Mirum tertium. via anterior, quam inibant & petebant, tota illustris, instar diei erat; statim ab agmine, tenebræ & nox excipiebant. Iam in propinquo *Vertenguelij* erant, & de Pastore audiunt non esse inibi, sed in arce aliquâ (*Vertainium* ei nomē) cum Præfecto, viro nobili, conuiuari. Ergo pater Stephanus, cum æditui S. Hilarij vxore, quæ comes hæserat, illuc celeri pede eunt. reperiunt arcem sub tempus prandij clausam, pulsant, repulsant: nemo audit, vel admittit. Quid tamen? sponte (quartum miraculum observa) dum adstant, portula maiori portæ (vt fit in arcibus) inserta, sponte aperitur, dat aditum: ineunt, & ad alteram portam accedunt. Pulsant item, & ne-

mine

mine conspecto portula aperitur: pergunt ad tertiam, fit idem. Veniunt igitur ignaris omnibus in cœnaculum: *Henricus Dammannus*, præfectus arcis, inclamat, *Quis intromisisset? & socios, an hostes?* Imò exsilit, & ianitore conspecto gladium educens, in eum ingruit: Et *Scelestè*, inquit, *ubi fides?* Ille excusare & deprecari, sedulò se portas omnes clausisse neque reclusisse, & testem filiam Præfecti, quæ adfuerat, dare. Admiratio in locum iræ succedit, & videt imbellem manum, & hostile nihil esse. Itaque preces admissi exponunt, & Pastorem poscere, ut *Vertenguelij* talem puerum (rei ordinem breuiter addunt) velit sacro fonte ablutum, Christi numeris adscribere. Surgit nouitate hac & illâ attonitus, & comitantur eum, è conuiuio, viri fæminæque ad viginti. Ipse Præfectus equum insterni iubet, & consenso, cum quinque comitibus eodem intendit. Vocatâ autem virgine filiâ, portas maiores aperiri illicò iubet: frustra, iam sponte omnes reserauerant; aut ut veriùs dicam, Virgo illa Mater aperuerat. Ipse signo crucis identidem se signare, & tamen pergere, donec ad templum cum Pastore aduenerent. Ibi puer, omnibus conspicuus, signa vitæ clara mittit, sanguinem stillat è naribus, os aperit clauditque, idem in oculis, & denique gemit etiam ac lacrimatur; & veris quidem grandibusque lacrimis, & quas detergere linteo & excipere licebat.



licebat. Ergo baptismum Pastor, incoràm omnibus (ad septuaginta hominum erant) indulget: & vixit puer quinque horas circiter, in arâ Beatæ Virginis reclinatus: ac mox (quintum miraculum) instar niuis visus palàm liquefcere & tabescere, & sic ad mortem ire. Terræ igitur ibi sacræ mandatur: & sextum miraculum addam? possum. *Firmina* mater absens & in lecto, ipsâ illâ horâ, sensit mammas sibi arefcere, antea lactantes, & quas nullâ arte, donec puer baptismo tinctus & verè mortuus esset (vide sympathiam) potuit arefacere aut exficcare. Huic rei duo pagi, & tot homines testes: ô rei mirandæ! & quid omnis calumnia vel impudentia hæc contra possit? Ego verò te *Dina* veneror *supplex*, atque inuoco: qua puerum à morte ad vitam, donec in veram vitam surgeret, reduxisti: nos quoque benigna intue-re & effice, ut momentaneâ hac vitâ functi ad illam æternam, te duce & directore, veniamus: quod per illum, quem genuisti; te qua genuisti precamur, ô DI-  
VA DIVARVM.

## CAP. XXII.

*Innocens mirabiliter à laqueo liberatus.*

Sed ad alia imus: & omne genus auxilij *Misericordia matrem*, vt Ecclesia appellat, in omni genere miseriarum ostendemus attulisse. *Auen-*

G

na in

Anno ∞.  
cccc.v.

*na* in finibus Hannoniæ & Picardiæ opidum est, Ducibus Arschotanis iure & mancipio subditum: vsu tamen, & transactione aliquâ, Principum Belgicæ factum, vt præsidia locare, munire & tueri facilius, pro suo arbitratu possent. Quid hîc mirandum euenerit, iam dicam. Erat *Ioannes* quidam *Sampenoius* Gallus natione, ex opidulo *Aspernac*o in Campaniâ, opinor. Is pietate motus, Hallas ad visendam Virginem affectabat: & in viâ duos comites (heu, parùm fidos!) repperit, *Nicolaum Barenium*, & *Petrum Normannum*. Illi benignè appellare, & *Quò iter? In Belgicam*. Nos *Unà: te pietas, nos lucellum trahit, & mercatores sumus*. Auennas iuncti veniunt. statim missi è Galliâ superueniunt, qui duos illos furti & rapinarum nimis ex vero arguunt: atque illi duo iam capti istum, falsò. Fatentur in tormentis, quatuor argenteas pateras se furto abstulisse, vendidisse, & trientem pecuniæ huius Ioanni cecidisse. Amplius, tres alias in opido S. Maxentij, partitione eâdem factâ. Denique, præter hæc atque alia furtâ, eâdem patrasse innoxij viatoris: & huius quoque conscium atque adiuuam Ioannem fuisse. Itaque ille in iisdem vinctus & custodiâ habetur: & *Nicolaus* iam eductus, & cruci admotus, in eâque suspendendus, religione tactus liberat culpæ omnis Ioannem, & reuocat quidquid accusarat. Alter *Petrus* contrâ, & palàm iterum-



iterumq; afferit, & in extremis fallere se Deum hominesque negat: *Ioannem* consortem facinorum illorum verè esse. Hic Prætor nihil vltra ambigere, & *Ioannem* eodem adigere: & tamen quia innoxium se proclamabat, populum hortari vt sacrificio Missæ interesse vellent, in gratiam veniamque criminum morituri. At *Ioannes*, *Imò potius, ô Prætor*, inquit, *Dominicam orationem & Angelicam salutationem singuli recitent, honori Beate Virginis Hallensis, ad quam ibam. Et quoniam in innocentia parum presidij est, ad illam appello, ea me tueatur.* Post dicta, carnifex hominem cruci applicat, laqueo illigat, scalis deiecit: & ille viuere perseuerat, quod alij mirantur, carnifex indignatur. Itaque funem trahere, & stringere, genibus niti super eum & premere, omnia facere, quæ accelerandæ morti essent. At ille tamen viuere: & palàm videre (postea fassus est) pulchrâ & augustâ facie fæminam à tergo sibi stantē, quæ amplecteretur & circumdaret, velut in tutelam suam receptum. Hora ampliùs sic exigitur: atque ecce demirantibus superuenit in equo vir nobilis *Ioannes Sellius*, omnibus ibi à virtute, stirpe, & opibus notus. Is ad Prætorem, *Domine*, inquit, *precibus à te posco, hunc innoxium hominem mihi dones, aut potius Beate Virgini, cuius nomine & monitu huc veni.* Ille impellitur, iamentè inclinatus: & solui iubet, ac sibi habere.

Accedit Sampenoius ad suum feruatorem, grates gratias agit: ille à se abdicat, & ad *Dinam*, inquit, *Hallensem* perge, cui promiseras, auctorem tuæ salutis agnoscere, & meam ab illâ deprecere. Nos quoque facimus, ô clemens, ô pia: & ut hunc innocentem laqueo mortis exuisti, sic nos nocentes, & vitiiis illigatos absolue, & ad beata tecum regna perduce.

## CAP. XXIII.

*Captiuus in ultimâ Galliâ è carcere, ad instar Diui Petri, eductus.*

Anno ∞.  
CCCC.  
XXVIII.

**G***Vilielmus Mosterius*, Picardus gente, non bonâ suâ forte in Pictoniæ fines venit, negotij causâ. Bellum autem eâ tempestate Anglis cum Gallis vetus & diutinum erat, manebatque, rege tunc Galliæ *Carolo Septimo*. Incidit igitur in Anglorum manus, & captiuus abducitur in opidum S<sup>ti</sup> Michaëlis, ac decem circiter menses detinetur. Detinetur. nam redimias, quas ab eo poscebant, octoginta aureorum, homo fortunæ modicus expedire non poterat, neque spes erat. Sed nec fraude aut vi euadendi: quoniam in puteum profundum demiserant, atque ibidem pede utroque firmiter boijs illigatum habebant. Dum igitur mœstus & anxius iacet, ac fortè panis frustum comedit, quod supernè deiecerant: mentem ei tetigit memoria & affectus erga *Dinam*.



uam Hallensem Virginem, cuius nomen & cultus tum in Picardiâ frequens etiam erat. Itaque toto corde eam inuocat, & à squalore, pædore, ac tenebris illis, liberari ope eius optat. Preces vix fuderat, somnus eum molliter amplectitur, & manè cùm expergiscitur (res ipsi & nobis stupenda) videt se liberum à vinculis & carcere, & tribus adeò milliaribus ab ipso opido S<sup>ti</sup> Michaëlis abiunctum. Dum miratur, gaudet, & vix credit: ecce Angli equites adueniunt, præfectorum & nobilium aliqua manus. Hominem iacentem in agro vident, & ipsi quoque mirati, accedunt. Erat inter eos centurio, *Tournebolius* nomine, qui agnoscit: & *Túne captivus ille noster es? unde huc? quâ vi, fraude, arte?* Guilielmus ex gaudio iterùm confusus: *Domine vera audi*, inquit. *Nec fraus, nec vis mea, aut aliena, huc adduxit, & arctâ custodiâ (nosti ipse) eduxit. Diva Virginis hoc totum est, ad quam preces equidem fudi, & illa ignarum ac dormientem huc transuexit. Rem vides, crede, & celesti beneficio tu quoque suffragator accede.* Tetigit hominem religio, itemque alios; dimittunt, re tamen exploratâ: atque diploma, quò securior transeat, donant, eoque miraculum consignant, cuius se auctores & testes profitentur. Id ipse Mosterius Hallas secum tulit, atque ibi liberatricem Diuam meritò est veneratus.

## CAP. XXIV.

*Mulier sub rotâ molari mirificè servata.*

Anno ∞.  
CCCC.XI.

**M**olitor erat, *Ioannes Massardus*, iuxta Abbatiam Lobienfem in Hannoniâ, cui vxor *Catharina*, eaque foetu grauida, & mensibus vtero legitimis ferè iam exactis. Molitor iste idem lignarius faber erat: itaque per eam caussam fortè egressus, molam & domum vxori commendat. Vxor sedulò officium factura, rotam molarem censet tardiusculè volui, atque aquæ inopem esse. Venit igitur, repagulum ligneum leuatura, & flumen vberius admissura. Sed dum conatur, tabula siue ponticulus cui insistit, frangitur: atque in aquam ea, & sub ipsam rotam lapsa hæret. Nam rota liberam volutionem non habere, & ipsa identidem à rotâ premi; atque ita tum aquis mergi, tum pondere simul cum foetu suo allidi. Semihoram ampliùs sic iacet. sed initio lapsus Diuam Virginem Hallis in mente habet, atque inuocat: quæ palàm à duplici periculo, & mersionis & oppressionis, seruat. Nam maritus tandem superuenit. & miratur molam sistere, nec circumagi, vxorem etiam requirit: cùm ecce eam sub molâ adflictam videt, & consternatus, *Opem, Opem* clamat. Accurrunt vicini, inter eos Prætor & religiosi etiam aliquot Lobienfes:



bienſes: mulierem ægrè ſubtrahunt, certò non arbitrariò mortuam, vt cenſebant. At illa viuam & ſanam ſe exhibet, *Sanctam Mariam* in ore ingeminans, eiufque præſidio tutam ſe coram omnibus teſtata. Poſt dies etiam aliquot pulchrum puerũ parit, qui dies duodecim ſuperuixit. quod omnes iure mirabantur, tanto illo rotæ pondere ne fœtum quidem non dicam elifum, ſed læſum.

## CAP. XXV.

*Sartor, qui acum temerè in os immiſerat, & porrò demiſerat, liber ab eà redditus.*

**T**eneramundæ in Flandriâ ad Scaldim fluvium <sup>∞.cccc.  
XL.</sup> ſartor opificio fuit, cui nomen *Bartholomæus Broëcus*. Is cùm panni aliquid fuiſſet, furgit & veſtem nouam parat ſcindere. Acum igitur cum filo in os accipit, vt liberâs manus haberet: & dum operi totus intendit, acus inſertæ oblitus, eam cum filamentis demittit & deglutit. Poſt factum ſentit, & ſtat attonitus: ad uxorem deinde abiens, *Perij ô mea*, inquit, ac caſum narrat. Illa vnà lamentari, & ad vicinos, deinde cognatos & medicos ire, opem ab omnibus aut conſilium poſcere. Multa dicuntur, & fiunt. Fruſtra omnis conatus eſt, & dies ipſos quattuor acum in corpore circumfert. Venit denique Mechliniam, vbi fratrem habebat rei medicinæ dedi-

deditum: consulit & istum & alios. purgant & medicantur: sed acum hanc inter eiectionem nusquam vident. Fortè dies Sabbathi erat, & conuiuolum aliquod Medicus instituerat, fratri recreando. Producent id hilariter, & more nostræ gentis, in vesperam. Ecce autem æs campanum sonat, & Medicus ad templum ire se infit, ad Diuæ Virginis eo die sollennes laudes. Alij tamen resident: ipse Bartholomæus, cui vultus quàm animus hilarior, surgit & ad ignem solus adstat meditabundus. Incidit cogitatio, quoniam frater de Sacrà Virgine, illius inclytæ Hallensis: & statim animum eò mittit, & corpore vouet secuturum, si eius ope sit saluus. Vix dixerat, sentit in dentibus aliquid volui & implicari: digitos immittit, acum vnà cum filo educit. Lætus fratrem reuersum lætificat, miraculum ostendit potius quàm narrat, & fidem à re facit.

## CAP. XXVI.

*Oculus ex ictu saucius statim sanescit.*

Anno ∞.  
CCCC.  
XLIII.

**I**N pago Wachalio, apud Insulas Flandriæ, *Iohannes Cuellerius* fuit, qui binos habebat sequioris sexus liberos, paruos, tenellos, vix benè adhuc fantes: & triennium maior natu nondum attigerat. Dum ludunt, absente vtroque parente, minor cultrum repperit, & manu eum versat:

maius-



maiuscula videt, & verita noxam, eripere conatur, eripitque. sed tantâ vi (alterâ scilicet renitente) vt sibi ipsa improuidè cultri aciem in oculum demerferit, & pupillam ipsam perfoderit, valido ictu. Clamores, & fletus. parentes audiunt, accurrunt: quid consilij? quod bonus Genius *Joanni* iniecit. inuocat statim *Diuam Hallensem*, promittit suum & filiæ illuc iter & piam inuisionem, si reciperet visionem. O bonitas, ô potentia! non alio remedio sanescit mox puella, & cum parentibus vicinisque (qui attestati) Hallas venit.

## CAP. XXVII.

*Bauarus nobilis in nauis à morte eripitur, & item Hallas venit.*

**V**ir nobilis erat è terrâ Bauariâ, Monachio <sup>∞.cccc.</sup> <sup>xlii.</sup> oriundus, qui religione motus in Iudæam, & loca Seruatori nostro calcata, & sanguine sacro respersa, iuit. Peruënit, & redibat. sed in viâ cùm in nauis, mari Ionio, ferretur, acer eum morbus inuasit, & ad extremas Fati lineas admouit. Nauiticum genus satis asperum, neque ægris aut languidis amicum, hominem in imam carinam & angulum aliquem nauis detrudunt. Ingrauescit ibi magis morbus, & iam in eo erat vt desperatus in mare abiiceretur, piscium & belluarum esca.

H

Sensit

Sensit & doluit alius è Belgicâ nostrâ vir nobilis, in eâdem naui vector. is ad hominem accedit, linguæ iam impotem, mentis vix compotem: solatur tamen & erigit verbis, quâ potest: & inter alia dicit, *Diuam Virginem Hallis coli, insignem beneficiis, & velut publicam miserorum tutelam: suadet ad hanc aram confugiat, & quoniam linguâ nuncupare preces aut vota non possit, corde faciat: considerare se de præsentis auxilio & salute.* Homo intelligit, arripit: etsi antea fama nulla eius patrocini ad aures eius venisset. Tamen è cordis penetranti suspiria & preces ad eam mittit: & ipso tempore videt agmen varium & miscellum Geniorum malorum super nauim volitare: & simul augustâ formâ fæminam ante se stare, quæ prolem in brachio, & manu alterâ cereum ardentem præferret. Ea vix comparuit, cùm Genialis illa turba disparuit: & hanc adorans, ac pacem veniamque ab eâ precatus, mox sentit vires restitui, sermonem & valetudinem veterem redire. Quod ipse gauisus, alij mirati sunt, in tam subitâ mutatione. Ac cùm deinde patriam attigisset, nihil prius habuit, quàm ad Seruatricem suam venire: quod non sine insigni testimonio pietatis fecit. Nam ipse cum famulo totum illud iter, quàm lata pænè Germania est, nudipes confecit: iterumque eo habitu repedauit. En religiosum in Bauariâ pectus! neque nunc defunt prisca & puri illic



illuc cultores , præeuntibus Principibus , quos fulcrum & exemplum appellare licet auitæ pietatis.

## CAP. XXVIII.

*Auriga cum carro , & ipse sub eo in aquam lapsus ,  
vitâ donatur.*

**I**N Gallicâ Brabantiâ erat auriga quidam , qui <sup>∞.CCCC.  
XLII.</sup> merces pretio vectitare solitus in biroto curru , quem *Carrum* nos appellamus. Fors fuit , vt salem veheret , venitque ad *Longcampium* pagum , vbi flumen ponte transmittendum erat. Cùm super ipsum medium est pontem , malâ sorte caruseuertitur , & in aquam subiectam cadit. Peiori etiam forte ipse auriga , qui sistere nitebatur , sub illum. Ergo ipse , equus , carrus , iacent : & ecce , quod Deus voluit , puella aliqua vidit , quæ Suppetiatum inelamauit , & vicinos exciuit. Sed mora longiuscula interposita , priusquam cõcurrerent , & iusta manus essent ad subleuandum . Prætor denique & alij adsunt , carrum primò attollunt , & sub eo inopinatò hominem vident , leuantque . Quem illi nihil ambigentes mortuum & suffocatum , quâ aquis , quâ onere esse , ad domum tamen Prætoris deferunt , longulè dissitam , & vestibus ibi spoliant nihil sentientem . Atque adeò vitæ nulla signa edebat , non motum , non suspi-  

H 2
rium,

rium, non halitum : cùm vnus altérve è turbâ,  
piâ miseratione hominem Diuæ Virgini nostræ  
offerunt, & vota pro eo interponunt. Cordi  
etiam aliena pietas fuit:& statim sui compos,ma-  
li omnis expers redditur; stetitque intuens in-  
tuentes. Ac post breuem deinde pausam carrum  
repetit, & viam suam porrò pergit. Sed oneris  
eius liber, religione etiam animum expedit, &  
Diuam ipsam in loco salutatum venit, & de be-  
neficio grates laudesque dictum.

## CAP. XXIX.

*Multiplex tutela cuiusdam militaris viri, in pugnâ,  
& post pugnam.*

Anno 66.  
cccc.  
xliii.

**C**Omes fani S<sup>i</sup> Paulli, nobile & notum no-  
men est in illâ & nostrâ Galliâ. Is, cùm bel-  
la feruerent inter Anglos Gallosque variâ sorte,  
& factionibus alita gangræna hæc mali, membra  
pænè omnia florentissimi regni peruaderet: fors  
fuit vt ipse in arce *Carteleria* esset, tractu Picar-  
diæ, illinc ad Delphinum iturus, qui Compendij  
agebat. Ecce præmittit manè (dies Sabbathi erat)  
metatorem suum, coquum, & dispensatorem, vt  
parata omnia in diuersorio Compendij reperiret.  
At illi leuiter progressi, hostium aliquam ma-  
num vident (ad LX. aut LXX. erant) qui in sub-  
iectis pratis pecudes rapiebant agebantque, & si-  
quid



quid aliud in agris esset. Remeant igitur trepidi, domino nunciaturi: & *Hostes*, & *Ad arma*, clamant. Comes vir magni animi erat, nec talium expers: inuocat suos, *arma & equos expedirent, sequerentur, si quis fidem & se amaret*. Simul ipse in equum, abit, assequitur: & vnà cum ipso fidus famulorum, *Ioannes Gertrudanus* nomine, qui semiermis, vt festinatio erat, comitabatur. Idem aliquot alij, singuli aut bini aduenientes: qui omnes tamen iuncti vix octoginta, nec ab armis instructi satis erant. At hostes, qui in subsidio fuerant, iam conspicui, & primis illis iuncti, facilè ad *mille quingentos* accedebant. *Ioannes*, quem dixi, aduertit, & dominum iræ properum, & animi nimium, *abire & sibi consulere* hortatur: *nos interea*, inquit, *uilior manus propugnabimus, & tutum tibi receptum reddemus*. Non mouetur dominus, pugnat: sed ante eum *Ioannes*. qui statim duplici sagittâ ballistariâ brachium traicitur: & herum cùm respicit iterùm moniturus, tertia colum ei transit. Tum denique, *Domine*, inquit, (ô amor, ô fides!) *consule tuæ vitæ: nam de meâ quidem est actum*. Et cum dicto ex equo delabatur: Comes atque alij in vicinum opidulum fugâ delati seruantur. Sed Comitem mæror tetigit, amisso, vt putabat, tam fido ministerio: sed quem Dei & Diuæ benignitas incolumem, præter opinionem, & pænè fidem, reddidit. Nam dum ibi

iacet inter viros equosque, Diua Hallensis ei in mente atque ore est, & quæ tam multis cottidie auxilium esset, vt sibi in hoc discrimine, precatur. Auditus est. & simul manibus genibusque nixus, prorepsit in viam proximam, ac viribus defectus ibi hæsit. Nondum finis. mala accumuluntur, vt remedia crescant; & discrimina iterantur, vt salutaris illa vis magis inclarescat. Tres ex hostibus seorsum adueniunt, scrutaturi omnia, & prædam, vt fit, quærentes. miserum hunc videt, accedunt, pecuniam, anulos, vestem tollunt: sublatisque, gladio exserto vnus caput illi findit. Ne sic quidem moritur, sed MARIAM identidem ingeminat, & in eius ac Diuæ *Barbaræ* honorem, vt fas sibi sit peccata apud sacerdotem expiandi, precatur. Tangit etiam duros animos, Diuâ faciente, pietas. permittunt, imò & operam promittunt: atque ecce rusticanum sacerdotem per viam fortè euntem vident, aduocant, & homini admouent. Expectant vt finiat, & tum illi quoque dent suum finem. nam occidere nihilo secius hominem destinatum erat. Sacerdote igitur etiam adstante, vnus eorum mucronem gladij, vt censebat, in guttur eius defigit: Diua auertit, & subuculam eius modò scindit. Sacerdos intereà deprecari, & mitigare: exorat tandem, & recedunt. atque ipse sic faucium in proximum quoddam horreum partim ducit,  
partim



partim trahit, & vulnera eius, vt copia erat, obligat. At ecce noua hostium manus, inter quos Duces ipsi & honestiores militum erant. eorum metu sacerdos fugere, *Ioannes* conspectis iis veniam vitamque petere: & facile impetrat ab animis nobilioribus, & quos honor & humanitas non prorsus reliquissent. Sed enim discessu istorum, tres illi sicarij, immani sæuitiâ, iterum redeunt: & cùm viuere vident, gladium vnus strictum viribus in caput librât; sed Diuâ, quam inclamabat, ictum moderâte, humerum modò attingit, & leuiter etiam strinxit. Consilium deinde capiunt in flumen cadauer (pro tali habebant) abiiciendi. quod faciunt, & sanguine manantem ferociter eò trahunt. quo tempore visa illi palàm adstare Diua Virgo, quæ solatium & iuuamen benignè promitteret: consilium etiam daret, vt mortuum se gereret & simularet. Paret. illi autem è ripâ in flumen deuoluunt: atque vnus hastâ etiam petit, vt si quid fortè reliqui spiritus aut vitæ esset, educeret. Sed Diua & hunc ictum irritum facit, & clientem suum in insulam modicam peruehit, limosam, & leuiter flumine exstantem. Ibi confectus nouem plagis grandioribus, aquis refrigeratus, ad horas ferè tres iacet, erigere aut mouere se impotens: cùm sacerdos, apud quem culpas suas fassus erat, miseratione impulsus redit, & eum quærit, & sanguinis vestigia secutus

cutus ad flumen denique venit. Ibi non reperto, percellitur & mersum omnino censet: cùm ecce oculos longiùs & intentiùs permittens, videre in limo illo insulæ visus effigiem hominis. Neque certus tamen, homo an ludibrium Genij esset, cruce se signat, & altè inclamat, *Adiuvo te, si homo & Christianus es, signum aut vocem ede.* Ioannes audit, & manum attollit. Sacerdos audacter in aquam insilit, & collo tenus madidatus ad eum peruat. Erigit, & in siccum, quantum potest, perducit: cursu inde in opidulum propinquum fertur, vehiculum & homines adducit misero huic subleuando. Qui inibi curatus, post paucas etiam septimanas Hallas venit, Diuæ præco, & omnibus narrabat quæ vix ipse, nisi sibi, credidisset.

## C A P. XXX.

*E carcere vir nobilis liberatur, & Hallas porro ducitur.*

Anno ∞.  
CCCC.  
LXXI.

**P***Hilippus Clivius* cognomento, quia ex illustri eâ gente originem, sed naturâ non lege ducebat, in opido Burgundiæ claro & noto Diuione agebat. Militiam sectabatur: neque ea prospera illi tum fuit. Nam captus à Gallis, abductus *Vancolorium* fuit, ad Lotharingiæ fines, & turri præaltæ creditus, quæ cubitos LXXX. supra terram emi-



eminebat. Petitum ab eo lutrum siue redemptionis pretium, ut à viro nobili, *quingenti aurei*. Nimirum quantum ei visum, pro fortunâ & opibus: itaque æger animi mærebat, & corpore etiam languebat. Die quadam sub meridiem cibus ei adfertur, non sumit, sed somnus eum statim occupat: & dormit in sequentis diei alterum meridiem, dormissetque etiam (sedens & in vinculis) nisi custos excitasset, & ad cibum inuitasset. At ille spreuit, neque cupido erat: ita toto animo agitabat & defixus hærebat in viso, quod per somnum erat obiectum. Id tale. Videbatur Hallis esse, & iacere in ipsis gradibus sacelli, quod Diuæ Virgini est sacratum. Ibi preces fundebat, coram eius imagine: atque ea solari, & animos addere, ut breui liberando. Hoc somnium, dico, cum suauiter menti obuersaretur: custodis abscessu in genua voluitur, & illam ipsam Diuam precatur, ratum firmumque id velit esse. Spei impletur, & os arripit è carne bubulâ, quæ esui anteposita erat, eoque velut limâ vsus (ah stulte, non stulte, quid facis? osse ferrum secas?) vsus, inquam, statim numellas ferreas, quibus ceruix adstricta, decidere videt fractas. Idem in manicis, idem in compedibus. Et iam vinculis omnibus liber, fune quem è lineis laneisque vestibis suis fecerat, è fenestrâ se demittit. Sed turris, ut dixi, præalta erat, nec funis satis competebat: tamen

fiduciâ diuini auxilij pergīt dēmittere, & illæsus  
in terram saltu fertur. Iterū hīc miraculum.  
Fugit in proximam siluam, & metu perquisito-  
rum diem totum latet: idē altero tertioque fa-  
cit, & noctes saltem itineri impendit, idque sine  
vllō cibo, aut etiā veste. Diua tamen tuita est,  
fanumque perduxit Hallas tali illo habitu, id est  
nudum & squalentem.

## CAP. XXXI.

*Cacula militaris à suspendio liberatus, cū Diuam  
inuocasset.*

æc. DCI.  
IV. Kal.  
Sept.

**Q**uod non pridem, nec procul euēnit, incolis  
& accolis notum, Carmine complectamur.

Seditio militaris, heu, Belgas meos  
Quoties malè habuit atque panē perdidit!  
Vel illa, quæ biennium ante, in oppido  
WEERDTA coaluit, atque ibi fixit pedem.  
Erant quaterna aut quina millia militum,  
Erant calones, & mala manus, fæminæ.  
Hi iusque fasque, & imperantium iugum,  
Etsi exuissent; attamen sine legibus,  
Aut specie earum, haud agere posse se vident.  
Statuta condunt ergo militariter,  
Et maximè quæ commeatum tangerent:  
Vt liber ille vberque posset aduehi,  
Aduectus ut vānīre, sciscunt neminem  
Diripere



Diripere posse inempta, vel subducere  
 Colore nullo, nisi dati nummi forent.  
 Et quisquis aliter, capital hoc ipsum foret.  
 Sciscunt, & exsequuntur. ecce seruulos  
 Inter, *Ioannes*, gente Lucemburgius,  
 Haleca dum vult emere, itemque solvere:  
 Abripitur à premente turbâ, & in manu  
 Numos tamen reſeruat. iſtud conſpicit  
 Tubicina quidam, & incitante præmio  
 (Index ferebat quinquies quinque aureos)  
 Accuſat hunc apud Ducem, quem legerant.  
 Ille aduocare concionem, & dicere  
 Reum *Joannem*, quid videtur? omnium  
 Vox vna, Lex ſeruetur, & pereat nocens.  
 Crux illicò ſtatuitur, & myſtæ duo  
 Sacri accientur, vt ſuas culpas piè  
 Piet *Ioannes*. qui tamen reſiſtere,  
 Et velle ſe purgare: fruſtrà, ita omnium  
 Aures ad innocentis occluſæ logos.  
 Ergo ille tollit lumina, & mentem ſimul,  
 Ad alta. *Tu regina calitum potens,*  
*Qua cultum & adem in oppido Hallenſi tenes,*  
*Tuere me innocentium vindex ſolens.*  
 Dixit, ſimulque concipit fiduciam  
 Certam ſalutis. liſtor abducit tamen,  
 Crucique ſiſtit: tollit inde carnifex,  
 Adſtringit, & deuoluit. ille duplici  
 A fune dependebat, alter rumpere,

Alterque idem minarier. miraculum  
 Visum omnibus, clamantque; mitti innoxium.  
 Non mittit, imò carnifex magis premit  
 Manu genuque: donec vnus militum  
 Conscendit, & funem alterum gladio secat.  
 Sic liber à gabalo Ioannes tunc abit,  
 Et venit Hallas, vota que exsoluit Dea.

## CAP. XXXII.

*Religiosa virgo à Spasmo statim libera reddita.*

Anno 66.  
 156. II.

**V**irgo nobilis *Hadriana T'serartsia*, filia *Lanceloti* Equitis, religiosam vitam professâ in Cænobio Vorsteni, quod lapide circiter vno à Bruxellâ distat, ipsâ viâ quâ Hallas itur, annum iam agebat alterum & vigesimum, bonâ ætate & bonâ valetudine: donec inuasit eam Spasmus siue Conuulsio, graue malum & medicis detestatum, in brachio dextro. Id ita vehementer virginem adflixit, vt noctes diesque somni ac quietis expers ageret: nec medicina aut chirurgia vlla, varia expertæ, subueniret. Quid facit? virgo virginem adspicit: & spretis humanis remediis animum, spem, preces ad illam vertit. Venit igitur ad Antistitam suam, quam Abbatissam vocamus: petit, quoniam ipsa cænobij limitibus clausa egredi per sacramenti religionem non posset, vellet vnâ aliquam sufficere, quæ vicem suam sacrâ legatione



*gatione & precatione apud Diuam Hallensem fungeretur; & salutem ab eâ corporis (quod ex salute tamen anima esset) peteret, atque impetraret. Impetraret. nam ita animum sibi dicere, & in Diuâ benignitate prorsus sperare. Antistita indulget libens. mittitur quæ donarium aliquod offerret, & simul augustum illud Sacrificium fieri, bono & voto illius ægræ, curaret. O mira, sed vera! Ipso tempore quo munus à fæminâ, quo sacrificium à sacerdote offertur; hæc Hadriana tum in templo, inter consortes suas religiosas, sentit brachium velut manu prehendi & premi: ac simul omnis conuulsio, tremor, dolor, abierunt, neque post eum diem vel indicium mali rediit, bonâ fide ab optimâ Diuâ detersum.*

## CAP. XXXIII.

*Plura miracula, varij generis, varijs locis, è Tabellis aut inscriptionibus collecta, & serie temporum digesta.*

**E**T quæ hætenus dedi, vnius ferè sæculi sunt (duo excipio:) id est ab anno ∞. CCCC. aut circà, ad annum *quingentesimum*, imò ad eum non pertingunt. Deinceps vsque ad hoc nostrum æuum ferè silentium est, an non incuriâ, aut omissione eorum, qui Actis præfuerunt? Ego arbitror: siue etiam satietas eos cepit scribendi aut colligendi,

cùm viderent Diuæ gloriam satis iam propa-  
tam testatámque esse. Neque enim defuisse mi-  
racula, vel hæc ætas dicit: in quâ paucis ab annis  
memorabilia euenêre: quæ tamen non Actis  
comprehêsa, sed Tabulis ferè votiuis signata, aut  
depicta, breuiter hîc commemorabo. ANNO  
∞. 10. XXXV. quo tempore Carolus V. Imp.  
fortiter magis, quàm feliciter Africam, & in eâ  
Algerium vrbem tentauit: fuit in expeditione  
*Ioannes Presius* cum vxore, qui in reditu præsens  
vitæ periculum adiit, ipsâ naui, quâ vehebatur,  
euersâ & mersâ: cùm ille Diuâ Hallensi incla-  
matâ, testatur in Tabulâ incolumem sese atque  
illam euasisse: & modum vltrâ non addit.

*Anno* ∞. 10. LXIII. Mantuæ Carpetano-  
rum, quod Madritum hodie appellant, puella  
Aulam regiam cum parentibus secuta (ij autem  
Hallis oriundi erant) casu è fenestrâ sublimi, &  
quadraginta ampliùs pedes altâ, decidit. Diuæ  
corde inuocatæ auxilio, immunis ab omni noxâ  
surrexit, vocem statim emittens, *O Dina Parens*  
*me tuere*. Bona Virguncula, iam tuita erat: quid  
poscis? agnosce magis, quàm pete: sed & hæc  
agnitio erat, ore falsæ quod corde vouerat.

*Anno* ∞. 10. LXXI. Alfonso Gusmannus  
Hispanus, domi nobilis, eiúsque filius, ille in gut-  
ture letale vulnus, hic in capite exceperant; & à  
medicis desperati ac relictî, ad Diuæ huius opem  
versi,



versi, statim eam senserunt, & cum omnium admiratione intra paucos dies vtrumque vulnus confanuit.

*Anno ∞. 10. XCI.* fuit vir nobilis Antuerpiæ (nomen verecundè silemus) qui foedum & immane aliquid in se meditans, & animi impetu victus, fræna rationis excusserat: subitò ad Diuam ipsam sese & preces conuertens, mirabili mutatione sensit refrigeratum pectus, & scelus quod amabat, detestari. Quo offensus, qui prædæ iam imminebat, malus Genius, ex alto loco & septemdecim gradibus scansili, hominem præcipientem dedit. ceciditque sine noxâ corporis aut membrorum, pugione tantùm diffractò, quem sceleris instrumentum gestabat. Diuæ igitur huic gratus tabulam posuit, obscurum nec obscurum rei monumentum.

*Anno ∞. 10. XCIII.* *Nicolaus Biatta*, inter Epirotarum equitum (qui laudem à tempore *Castriotæ* illius, vulgò *Scanderbegi*, equestris militiæ tenuerunt) inter equitum dico illorum vexillationes, & alæ vnius Præfectus; in Galliâ militabat *Carolo* Duci Mayēnio, qui religionis caussam tueri censebatur. Cùm autem iuxta Cambresium in pago aliquo cum Alâ suâ solus ageret, occasio visa Duci Longeuillio (is partes Henrici III. Regis sequebatur) rei benè gerendæ, & hominis opprimendi. Itaque venit subitus, & inuadit eum  
cum

cum ducentis circiter equitibus, quadringentis peditibus. Impar valde pugna, & vel numero vincitur: equus sub eo confoditur, ipse capitur, & vt bellis ciuilibus sanguis magis quàm praeda petitur, clamatum imperatumque, *Occide*. Vulcanus igitur in capite letale accipit, viginti in reliquo corpore plagas: & cùm in tanto discrimine Diuam hanc palàm inuocasset, re semimortuus, opinione mortuus relictus, incolumis tamen euasit, & voti reus Hallas paullo post venit, tabulâ rem & miraculum testatus.

*Anno ∞. D. XCV. Antonius Chamberius* Anglus natione, vicarius Centuriæ Tribuni sui *Stanleyj*: cùm Spadam in Eburonum tractu, ad laudatos illos & medicatos fontes venisset, fors fuit (memini, & pars periculi eram) vt Bataui trecenti equites inopinati aduenirent, multos opprimerent, & abducerent captiuos. Iste in eorum medio tutus & intactus (dicamne & inconspectus?) egit: solâ Diuâ hac Virgine, cui se deuouerat, velante, & per medios hostes eripiente. Sensit & fassus est, & tabulâ scriptâ adfirmavit.

*Anno ∞. D. XCVII. Stephanus Robinus*, Montibus Hannoniæ oriundus, rei & negotij causâ Lusitaniam cùm feliciter venisset, in reditu non eâdem fortunâ fuit. Tempestas occupat, & in medio mari nauim frangit, & vectorum plerisque demergit. Ipse in Diuâ Virgine fretus, tabulam



Iam arripit, & inter tenebras vastosque fluctus, fidere illo allucente ac dirigente, terram & vitam tenuit. Tabellam dedicavit, & breui narrationi subscripsit: *Mirabilis est Deus in sanctis suis.*

*Anno ∞. 100. 11. Geryon Parmenterius*, nobilis vir & miles, in præsidio arcis Tornacensis agebat, sub Ill<sup>mo</sup> *Philippo* Comite Solrano, virtutum & prudentiæ dotibus insigni Principe. Improvidus, an festinus, decidit vespere sub horam octavam, densis iam tenebris, Februario mense, in subiectum arci flumen, magnum & rapidum, Scaldim. Ipso casu Virginem Hallensem inclamat, & vota vouet: statimque non auxilio solùm, sed præsentia adest, videtque coràm Diuam tali effigie, quàm in æde Hallensi aræ superstat. Et quasi manu sentit subleuari se, & impelli ad ripam fluminis: vbi salicis ramum apprehendit; tenuitque firmiter, donec cymbâ ex alterâ ripæ parte appulsâ, in eam impositus liberatur. Hoc non ipse magis, quàm vigiles omnes arcis testati sunt, qui viderunt audieruntque.

*Anno ∞. 100. 111.* quo hæc scribimus, vxor *Nicolai Langj* graui morbo detinebatur, deposita & à medicorum ope abdicata. Decem horas pro mortuâ iacuit: cùm maritus vota nostræ Diuæ fecit, factisque vxor reuiguit, an reuixit? certè intra paucas horas plenè reualuit. Vterque Hallas venit, monumentum dedicauit. Plura

K

liceat

liceat aggerere: sed aut prioribus paria, quæ cum radio iterentur: aut obscura, id est, nec locis, nec temporibus, aut personis satis definita. Passim enim ibi scipiones, fulcra, mali aut tabulæ nauium, variæ hominum aut euentuum figuræ: quæ latam opem ostendunt, sed vt dixi, incertam, & narratu haud facilem. quoniam in re istâ sacrorum nec libet, nec licet, ingenio indulgere. Superfedemus. & quidni satis sint ista, beneficentiæ & potentiæ eius asserendæ? sed & pietati ac religioni in animis excitandæ, siqui ab vtraque ex professo non sint alieni.

## CAP. XXXIV.

*Sodalitas Beata Virginis, & Principum aliquot inscriptorum nomina: tum aliquid de Supplicatione.*

\* Confirmata a Pontifice, & præmiis indultusq; provocata, anno m. cccc. xxiij.

**T**Ranseo ad Exempla eorum, qui eximiè in cultu & veneratione huius Diuæ dediti fuerunt. Ij quoque multi, & dignitate ac potentiâ inter Europæ primos. Fuit \* Sodalitas antiquitûs instituta: & Codex asseruatur, in quem relati qui nomina dederunt. Plurimi vtriusque sexus sunt: sed ferè titulis, non propriis suis nominibus insigniti: in quo Actuarios equidem culpem. Scribuntur isti, *Cæsar cum uxore & liberis. Rex Angliæ, cum uxore & liberis.* & coniicere licet, illum fuisse



fuisse Maximilianum Austriacum, nostrum : & hunc, Henricum Octavum, eidem Cæsari amicum. Est deinde *Dux Brabantia, Lotharingia, Limburgi, cum uxore & liberis*: item *Dux Geldria & Juliaci*. Et iam nominatim

*Guilielmus senior, Comes Hannonia, & uxor.*

*Alius Guilielmus Comes Hannonia, Hollandia, & Zelandia, cum uxore & liberis.*

*Albertus Comes Palatinus Rheni, Dux Bavaria, Comes Hannonia, Hollandia, & Frisia, cum uxore & liberis.*

*Ludovicus, Comes Flandria, & uxor Margareta. Fredericus, Dux Bavaria.*

*Theodoricus, Comes Loffensis.*

*Guilielmus Flandr, Comes Namurensis, Bethunia Dominus cum Ioannâ uxore.*

Multalij, Principes, Antistites, Nobiles, Priuati, Plebeij : quos sine fructu, aut oblectatione, nominemus. Illud addo, aliam velut Sodalitatem esse eorum, qui Diuam Virginem sollenni *Supplicationis* die inuisunt, & dona publicè ei ferunt, atque ipsam adeò ferunt. Res explicanda est. Sunt duodecim partim Opida, partim Municipia, quæ quotannis primâ Dominicâ Septembris (is status & sollennis dies est) Hallis se sistunt : id est, ab iis missi primores aliquot ciuium aut incolarum. Quibus Ecclesiastæ & Magistratus Hallensis obuij fiunt, comiter & honestè excipiunt, & ad

ædem statuamque sacram venerandam deducunt. Iisdem vina & cibi, beniuolentiæ ergo, offeruntur. Illi autem, pro suo quisque opido aut municipio, Chlamydem Diuæ offerunt, numero vniuersè duodecim : aut (quia affatim iam Chlamydum est) ipsas ab ædituis templi sumunt, & certam pecuniam in pios vsus rependunt. In Supplicatione deinde, cum Statua per urbem & suburbana defertur, illi comites sunt : & ordine etiam humeros supponunt, piâ æmulatione sacrum onus affectantes. Opida sunt ista: *Athum, Tornacum, Bruxella, Valentiana, Condatum, Namurum*. Municipia autem, *Lembeca, Quiurania, Crispinum, Brania, Busigniacum, & Sancti*.

## CAP. XXXV.

*Dona memorata, sed tantum Principum, idq; eorum qui Belgicæ præfuerunt.*

**I**Am ad eos venio, qui *Donis* etiam & Muneribus variè testati sunt affectum. Et quamquam hîc quoque magnus numerus (in Rationario templi vidi) tamen duplici causâ diffundere hæc prohibeor. Primùm, quia ipsa Dona non omnia, imò exigua pars compâret : cum olim, & nunc maximè in publicâ hac inopiâ, multa consilio & consensu diuendita sint, ad templi & sacrorum vsum. Deinde, quia eadem hîc Actuariorum

ruditas



ruditas culpanda. qui Dona quidem consignant,  
 & appendunt : sed donantium nomina insuper  
 habent, titulos indicasse contenti. Vt, *Dux Bra-*  
*bantia calicem dedit. Seneschallus Hannonia statuam*  
*argenteam armati militis. Crucem inauratam ma-*  
*gni pretij & operis, figuris variegatam, \* Delphinus* \* Qui  
*Gallia. Ille ipse Falconem magnum argenteum inau-* fuit Lu-  
*ratum. Item, Statua donata argentea, muliebri ha-* donicus,  
*bitu, cum insignibus Bauaria. Item, Statua argentea,* opinor,  
*coronâ & capillis inauratis, ipsius Divæ Virginis, do-* postea  
*nante Toparchâ Montmorencio. Multa, inquam,* Undeci-  
*mus Rex,*  
*diu in*  
*Belgicâ*  
*exsul.*  
 hæc talia lego : sed quid memorem, personis &  
 causis sic incertis? Ego verò pauca illa digeram,  
 quæ nostri Principes & Dynastæ dederunt: & ini-  
 tium ab illo faciam, qui Belgicam nostram in hoc  
 vnum corpus feliciter iunxit. Is est PHILIPPVS  
 iure suo BONVS: & huic Divæ quàm addictus!  
 Docent monumenta, quæ affectus & cultus sui  
 reliquit. Primò, ipsius Virginis statua grandiuscu-  
 la, in mediâ Arâ posita: sed auro puro inducta. Fi-  
 lium brachio vno præfert, altero florem Lilij in-  
 auratum. In pectore monilis vice sunt, vniones  
 sex, puri, grandes: & in eorum medio carbuncu-  
 lus, siue Pyropus lapis, quem *Rubinum* nos à co-  
 lore vocamus. At in capite corona est puri puti  
 auri. Sunt deinde in eâdem Arâ duodecim Apo-  
 stoli, ex argëto, fabrè satis facti: quos inibi etiam  
 nunc est videre. simulq; ad latus vtrumque Aræ,

duos cœlestes Genios, siue Angelos, eodem metallo, candelabra præferentes, & venerationem Diuę exhibentes. Supra has statuas, ibidem duę sunt militares, altera Pedestris, altera Equestris: & significatum liquet, vtramque militiam suam verè BONVM Principem Diuę consecrassē. Istę pariter ex argento: sed fuerunt & duę, eodem militari habitu, puri auri: quarum Pedestris securim, Equestris lanceam manu teneret. Idem Lampadem auream, insigne munus dedit: cui aliam inauratam publica necessitas deinde substituit. Fuit & Statua, iustę magnitudinis, dimidiata ex argento, donum eius Vxoris. Conspicitur item Fenestra vitrea in eo sacello, variè picturata, Philippo curante & donante. Denique & Tabula est, in quâ ipse Dux supplicis habitu effingitur procumbens ad Diuę genua; & versus aliquot Gallici inscripti, pij magis quàm boni, in huius laudes. Annus subscribitur ∞. CCCC. LV. Martij dies xx. Enimuerò (vides Lector) valdè hanc Diuam, nec sine mercede coluit. quippe quę pariter eum extulit, & ad id æui diuulsas Belgicę prouincias, paullatim conciliauit, & vnus illius imperio subiecit.

CAROLVS eius filius, cognomento & re AVDAX: atque vtinam non fuisset! Eius ibi donum lego, Falconem argenteum: nec vltrà.

MAXIMILIANVS successit, qui in Austriam gentem



gentem omnem hanc potentiam transtulit, matrimonio *Maria Burgundica*, Caroli filię, iunctus. Dignus eâ fortunâ, & maiore, Princeps fuit: virtutibus, & animi magnitudine, item quę benignitate, cum optimis comparandus. Quid dicam de Scientiâ, & Sapiëntiâ studio? Quod ad Scientiam, vix alius in eo culmine litteras, & memoriam rerum veterum, magis ipse coluit, earum quę gnaros honestavit. De Sapiëntiâ, vnum, sed eximium factum, dicat. Biennio toto ante mortem (& ætas adhuc bona, ac valetudo erant) capulum è plumbo funebrem, arcæ lignę inclusum, circumferri secum, quaquâ iret, & in dormitorio semper cubiculo deponi curavit. Thesaurum ignari censebant oculi: & erat, sed Philosophiâ, cuius studium veteres definierunt, *Meditationem mortis esse*. Sed Principis huius laudes arctâ paginâ non stringo: Pietatem memorasse contentus, quę agmen virtutum eius duxit. Ostendit habuit quę; eximie in hanc Virginem: & quid nisi ipsum testem demus? Conspicitur etiam nunc, genibus nixus, in sacelli dextro latere, tabulato paullum altiore, lorricatus, & cetero cultu militari. Ponè eum *Albertus Dux Saxonie* geniculatur, itidem armatus: qui bellis tunc nostris fidam fortem quę operam Maximiliano præbuit, & filio eius Philippo. Illum esse, insignia gentilicia satis ostendunt. Est & tertius, velut per submisionem paullum ab illis

lis remotior, genu pariter flexo: quem, ex insignibus, gentis Meluniæ esse apparet: ac fortasse *Robertum Melunium*, id æui rebus consiliisq̃ue mixtum. Dona Maximiliani sunt, Calix cum patinâ inauratus: cui insculpta Austriæ gentis insignia, superaddito pilleo Archiducali. Ex quo liquet, sub initia, & Archiducem adhuc dedisse. Eiusdem est *Diui Maximiliani* statua argentea, admodum bipedalis: quæ mitram capite, crucem vnâ manu, alterâ gladium gestat; & ab eo dependentes argenteas duas clauas. Fama tenet (& clauium argumento adstruas) Bruxellenses nostros, antea aliarum partium, tunc in pacem ditionemq̃ue acceptos, velut mulctam dependisse. Est ab eodem Arbor, siue Rosæ frutex, è puro auro, cum plusculis ramis floribusq̃ue, item bipedalis: quam sacratam à se Pontifex Maximiliano donum, ipse porrò Diuæ Hallensi misit. An non velut omen, aut votum? vt suâ ope vellet Belgicam, attonsam tot bellis & attritam, sub nouo imperio iterùm reuirescere, & pace suauiter florere. Et verò sæpe auxiliarem illam sensit. palàm in Atrebatium vrbe à Francis auellendâ, & in corpus suum restituendâ. Tenebatur grandi præsidio: ciuium optimi, quod viribus non poterant, astu patrandum suscipiunt: sed trepidi & anxij, vt inter plures, ne res emanaret, aut in euentu falleret, animos ad Deum & Diuam vertunt.

Vouent

Anno m.  
cccc.  
xcii.



Vouent huic, si adspirasset, nudis pedibus Hal-  
lensem eius ædem inuisere; oblaturosque è ferro  
& cerâ tabulas, rei gestæ monumentum. Am-  
pliùs, egenis pecuniæ certum modum, eius ho-  
nori elargituros: & denique aquâ ac pane vitam  
toleratos, donec votorum istorum se liberaf-  
sent. Factum & hoc, & illud est: ciues & vrbs  
Principi suo redditæ, & vota nostræ Diuæ.

PHILIPPVS sequebatur, huius filius: qui Hi-  
spaniarum regna per coniugium est sortitus. Ma-  
gna indoles virtutum, sed breui imperio & vitâ:  
cùm fata hanc lucem terris tantùm ostendissent.

Ergo excipit CAROLVS QVINTVS, pius &  
felix Imperator: cuius laudes ne libare quidem  
hîc sustineo, alibi pleno ore dicendas. Is sæpè ad  
hanc eðem, religionis causâ, ventitare solitus, dõ-  
nis etiam auxit. Statuam argenteam viri armati,  
genibus nixi, manibus in cælum sublatis, suppli-  
ce habitu, dedit dicauitque. Idem Scyphum  
grandem inauratum, operis antiqui. Idem mili-  
tari formâ chlamydem, villoso serico, auro inter-  
textam, insignibus Imperij, & gentis Austriæ,  
decoratam: quid in eâ, nisi suam Diuæ militiam  
& victorias, aut consecrans, aut referens acce-  
ptas? Ciues autem, ab insito in hunc Principem  
affectu, donum hoc super alia honestant: & quot-  
annis, sollēni supplicatione (primâ Dominicâ Se-  
ptēbris) eâ chlamyde statuam Virginis ornatam,

templo efferunt. Efferunt, inquam. nam mox, viâ procedente, mos habet sapiùs sapiusque vestes mutare, & pia aliorum etiam dona admovere: sed primum, vt dixi, velandi honorem Cæsareum illud habet.

Iterùm PHILIPPVS sequitur: sed breui in his locis morâ, affectum (vt cetera eius pietas suadet) habuit magis, quàm ostendit.

ALBERTVS iam noster AVSTRIACVS, & ISABELLA, CLARA, EVGENIA, eius vxor, optimi atque optatissimi Principes, singulari vterque religione, eam in hoc loco & Diuâ eminare etiam voluerunt. Sapiùs adierunt, preces fuderunt. & ille donum suspendit Lampadem argenteam, pondere & opere insignem: eiq; vetigal annuum addidit, vt in æuum ante effigiem sacram luceret. ISABELLA autem Chlamydem sacrauit, auro & argento intertextam.

An non liceat ALEXANDRVM Parmæ & Placetiæ Ducem subiungere, cui materna ab Austriacis origo? Sed & idem si non Princeps, vicem & munus Principis plures annos feliciter hîc obiuit. Sile enim liuor, & vel mortuum hunc *Camillum* nostrum reuerere. quidni sic dicam? quem ille titulum variis victoriis, consilio & virtute partis, meruit: in rebus afflictis, & Belgicâ non diuisâ solùm, sed in se armatâ. Ille magnam partem iterùm iunxit, legitimo imperio subiunxit:



xit: & quia euentus tamen à Deo esse sciebat, interpretem apud eum & conciliatricem habuit hanc matrem. Sæpe huc commeare solitus, & vix aliter in expeditionem vllam ire, nisi precibus votisq̃ue ad aram eius ritè pieq̃ue conceptis. Atque hoc in eo notabile, & laudabile: quòd ferè aut pedesiter totum (rarum priuatis, quid Principibus?) conficere, aut certè in ipsâ viâ, ad primum conspectum sacræ turris, defilire ex equo, & reliquum sic peragere, testandæ venerationi, consueuerat. Dona porrò eius ibi crebra, submissa aut oblata: sed ferè stipēs aut nummi fuerunt, opportuna solatia in arctis tunc rebus. Hoc ipso laudandus, quòd beneficium dare, non famam parare voluit: & Deum notorem ac muneratorem aspexit.

## C A P. X X X V I.

*Finis, & precatio. item Penna nostra Diua suspensa.*

**D**ona alia & varia esse aut fuisse, iam præmonui: sed quid commemorem? Pompâ aut opibus non certamus: & datores facilè indulgebunt silentio veniam, quibus præmium in superis æternisq̃; locis semper paratum est, & semel paratum. Nos quidem sine noxâ lateant hæc talia: at numquam O DIVA tua benignitas, cui parem vim & potentiam es sortita. Tu illa REGINA celi,  
L 2 terræ,

terræ, maris: supra quam nihil nisi Deus est: LV-  
 NA ab illo SOLE proxima: quam precibus im-  
 ploro atque inuoco, Publicè ac priuatim tuère  
 nos & respice. Vides publicè iactari quadraginta  
 iam ferè annos fluctibus bellorum ciuiliū: pla-  
 ca illud mare O MARIA, & auulsos à nobis in  
 veterem societatem, amorem, fidem compelle.  
 Priuatim etiam nos ipsos, vitiis aut deliciis fractos,  
 emenda, erige: & ad virtutem ac robur illud ve-  
 rus traductos, te dignos clientes, cælo dignos  
 incolaseffice. Quæ omnia per te vis O BONA,  
 per filium autem potes O MAGNA, O ADMI-  
 RANDA in æternum. Peregi. ipsum tamen me,  
 & hoc quidquid ingenij ac stili est, iterum tibi do,  
 dico, consecro: quod ex animo feci ante bien-  
 nium, PENNA argentea in templo, ante Aram  
 tuam, suspensâ. cui hos versus subscripsi:

**H** Anc, DIVA, PENNAM interpretem mētis meæ,  
 Per alta spatia quæ volauit ætheris,  
 Per ima quæ volauit & terra, & maris:  
 Scientiæ, Prudentiæ, Sapientiæ  
 Operata semper. ausa quæ CONSTANTIAM  
 Describere, & vulgare; quæ CIVILIA,  
 Quæ MILITARIA, atque POLIORCETICA;  
 Quæ ROMA MAGNITVDINEM adstruxit tuam;  
 Variâq; luce scripta prisca seculi  
 Affecit, & perfudit: hanc PENNAM tibi  
 Nunc,



*Nunc, DIVA, meritò consecraui LIPSIVS.*

*Nam numine istac incohata sunt tuo,*

*Et numine istac absoluta sunt tuo.*

*Porro ô benignitatis aura perpetim*

*Hac spiret! & fama fugacis in vicem,*

*Quam PENNA peperit, tu perenne gaudium*

*Vitamq<sup>3</sup>, DIVA, LIPSIO pares tuo.*

## AD LECTOREM.

**V**isum est hîc in fine apponere, Lector, Pontificum aliquot approbationes, testimonia, indulgentias, quæ loci sanctimoniam affirmant, & prouocant ad colendum. Plura sanè sunt & vetera, ab ipso anno Christi ∞. CCCXVIII. ab Episcopis, à Cardinalibus, Legatis, ab ipso supremo Capite: sed duo dedisse satis habeo, alterum *Nicolai Quinti*, alterum *Clementis nunc Octavi*, Pontificum verè Maximorum. Illud ita habet.

# NICOLAUS EPISCOPVS,

## SERVVS SERVORVM DEI,

**V**niuersis Christi fidelibus presentes litteras inspecturis, Salutem & Apostolicam benedictionem. Dum excelsa meritum insignia, quibus Regina celorum, Virgo Dei genitrix gloriosa, sedibus pralata fidereis quasi stella matutina prærutilat, deuota considerationis indagine perscrutamur; dum etiã intra nostri pectoris arcana reuoluimus, quod ipsa, utpote mater misericordiae, mater gratiae & pietatis, amica humani generis consolatrix, pro salute fidelium qui delictorum onere praeuaguantur sedula exoratrix, peruigil apud Regem quem genuit intercedit; dignum, quin potius debitum arbitramur, ut Capellas & loca in honorem nominis sui dedicata gratiosis remissionum prosequamur impendiis, & gratiarum muneribus honoremus. Sanè sicut fide digna dilecti filij Magistri Nicolai Plonchet, Persona personatus in parochiali Ecclesiã S. Martini oppidi Hallensis Cameracensis Diocesis, Cubicularij ac Scriptoris & familiaris nostri continui commensalis, relatione didicimus, quaedam honorabilis Capella ad honorem & sub titulo beatae Mariae Virginis praefatae, in qua singulis diebus ad laudem eiusdem Virginis Mariae una altã & plures aliae submissa uocibus cum deuotione magnã Missae celebrantur, &



tur, & ad quam copiosa Christi fidelium ex diuersis mundi partibus multitudo, propter loci illius deuotionem, ac miraculorum quibus eadem Virgo Maria inibi coruscare dignoscitur frequentiam & magnitudinem, consuetudinem dietim prospicitur in dictâ Ecclesiâ à multis iam transactis temporibus, ita quòd de illius contrario hominum memoria vix habetur, solemniter fundata & dotata existit; ipsiusq; Virginis Maria imago Dominicâ primâ Septembris singulis annis cum magnâ honorificentia, tam dicti quàm circumiacentium oppidorum, ciuitatum & villarum, aliorumq; locorum Scabinis, Consulibus, & Communitatibus, magnifica donaria in reuerentiam prefata Virginis Maria, ex parte ciuitatum, oppidorum, villarum, & locorum à quibus occurrente tempore ad id specialiter mittuntur, deferentibus & offerentibus, singularibusq; Vtriusque sexus earundem partium cum singulari deuotione concurrentibus personis, cum magnâ solemnitate processionaliter Clero psallente & populo orante deferitur commeantibus. Oblationes quoque ad dictam Capellam ex ipsorum Christi fidelium erogationibus provenientes in Fabricam, quæ inibi sumptuosè incepta exstitit, & dietim continuatur, nec non reparationes & ornamenta ac alias parochialis Ecclesiæ & Capellæ huiusmodi utilitates & necessitates per certos probos viros ad id per Scabinos & alios ipsius oppidi oppidanos pro tempore deputatos, Ecclesiæ magistris muncipatos, qui Eccle-

*Ecclesiam & Capellam antedictas bonâq<sup>ue</sup> ipsarum regere & gubernare ac utiliter conservare & disponere tenentur, quamdiu onus gesserint antedictum. Nos igitur cupientes ut dicta Capella congruis frequentetur honoribus, & ut Christi fideles ipsi eò libentiùs causâ deuotionis confluant ad eandem, ac præfata processioni deuotiùs intersint, ac ad fabricâ & reparationes aliasq<sup>ue</sup> Capella & Ecclesia huiusmodi necessitates manus promptiùs porrigant adiutrices, quo ex hoc ibidem caelestis dono gratia conspexerint se refectos, de omnipotentis Dei misericordiâ ac beatorum Petri & Pauli Apostolorum eius auctoritate confisi, omnibus & singulis utriusque sexus Christi fidelibus Verè poenitentibus & confessis, qui in Dominicâ quâ huiusmodi processio fiet eidem processioni interfuerint, illamq<sup>ue</sup> à principio usque in finem continuauerint, ac eadem nec non Epiphania Domini & Exaltationis sanctæ Crucis festiuitatum diebus dictam Capellam deuotè visitauerint; & ad fabricam & reparationes, aliasque Ecclesia & Capella prædictarum necessitates, manus porrexerint adiutrices, annuatim, singulis videlicet diebus huiusmodi quibus processioni interfuerint, aut dictam Capellam visitauerint, & manus porrexerint adiutrices ut præfertur, septem annos & totidem quadragenas de iniunctis eis poenitentiis misericorditer relaxamus, præsentibus perpetuis futuris temporibus duraturis. Volumus autem, quòd si aliàs Capellam seu Ecclesiam huiusmodi visitan-*



*sistantibus, & ad fabricam & reparationes aliasq;  
Ecclesia & Capella prædictarum necessitates manus  
adiutrices porrigentibus, seu aliàs aliqua alia indul-  
gentia in perpetuum vel ad certum tempus nondum  
elapsum duratura per nos concessa fuerit, præsentis lit-  
tera nullius existant roboris vel momenti. Datum  
Roma apud Sanctum Petrum, anno incarnationis  
Dominica millesimo quadringentesimo quinquagesi-  
mo primo, prid. Non. Septembris, Pontificatus nostri  
anno quinto.*

Petrus de Noxeto.

## CLEMENS PP. VIII.

**V** *Niuerſis Chriſti fidelibus præſentes lit-  
teras inſpecturis, ſalutem & Apoſtoli-  
cam benedictionem. Ad augendam  
fidelium Religionem & animarum ſa-  
lutem, celeſtibus Eccleſia theſauris piâ  
charitate intenti, omnibus utriuſque ſexus Chriſti fi-  
delibus verè pœnitentibus & confeſſis, ac ſacrâ com-  
munionem reſectis, qui Eccleſiam parochialem beata  
Virginis Maria Hallenſis, diœceſis Cameracenſis, in  
Conceptionis, Natiuitatis, Præſentationis, An-  
nunciationis, Viſitationis, Purificationis, Aſſum-  
ptionis,*

ptionis, & beatæ Mariæ ad Niues festiuitatibus, nec non Dominicâ primâ Septembris, & per totam Octauam eiûdem Dominicæ, *quo die imago beatæ Mariæ processionaliter defertur, quoq; tempore peregrini undique ad dictam Ecclesiam confluunt, à primis Vesperis usque ad occasum Solis, festiuitatum ac dierum huiusmodi, deuotè visitauerint, & ibi pro Christianorum Principum concordia, hæresum extirpatione, ac sanctæ matris Ecclesiæ exaltatione, pias ad Deum preces effuderint, plenariam omnium peccatorum suorum indulgentiam & remissionem misericorditer in Domino concedimus & indulgemus, præsentibus ad viginti annos, elapso anno Iubilæi, dumtaxat valituris. Datum Romæ apud Sanctum Petrum sub annulo Piscatoris, die quintâ Nouembris, M. D. XCIX. Pontificatus nostri anno octauo.*

M. Vestrius Barbianus.

I N-



# I N D E X   C A P I T V M.

<b>A</b> ffectus noster verus erga Diuam : iter Hallas , & occasio scripti. tum Versus. Cap. I.	Pag. 1.
Origo imaginis à Diuâ Elizabethâ. de hac igitur præmissum, de stirpe eius, quâ genita, & quam genuit, de morte & consecratione. Cap. II.	4
De filiâ Elizabethæ Sophiâ. quæ in Brabantiam venit, statuas attulit, diuisit, & quomodo hæc Hallis dedicata. Cap. III.	9
Aliquid super ipso opido Hallensi, itemque templo. Cap. IV.	13
Transitum ad Miracula ; sed primò communiter Vera hæc asserita, & discrimen triplex à Falsis datum. Cap. V.	15
Miracula quæ ipsum opidum , aut templum , aut statuam propriè tangunt , & tutela in istis Diuæ palàm obseruata. Cap. VI.	19
Duo eiusdem rei exempla , à nostro æuo, seria simul & iocosa. Cap. VII.	23
Beneficia eius deinceps in priuatos. & primò à morte seruatus & patibulo, qui Falconem amiserat. Cap. VIII.	25
Quidam inter aquas seruatus , in immani & subito diluuiio. Cap. IX.	27
Puer merfus in vitam reuocatur. Cap. X.	28
Homo mali Genij hospes ab eo liberatur. Cap. XI.	29
Leodici puer luminibus captus , & toto corpore æger aut impotens, ab utrâque labe sanatur. Cap. XII.	30
Tempestate iactati , & iam naufragantes erepti. Cap. XIII.	31
Furiosa virgo mentem recipit. Cap. XIV.	32
Puer in Mosâ iam mergendus educitur. Cap. XV.	32
Puer iam merfus in puteo vitæ redditur. Cap. XVI.	33
Puer fasciâ strangulatus, spiritû & vitam recipit. Cap. XVII.	34
Puella in puteum præceps lapsa , & suffocata , in vitam redit. Cap. XVIII.	36
Puer triduum mortuus, & sepultus, reuiuiscit. Cap. XIX.	37
Puer diu amissus, & in voragine mortuus repertus, item vitam recuperat. Cap. XX.	39
Mira , mira , de puero item resuscitato , aut sub terris seruato, non sine aliis stupendis. Cap. XXI.	41

Innocens mirabiliter à laqueo liberatus. Cap.xxii.	45
Captiuus in vltimâ Galliâ è carcere, ad instar Diui Petri, educus. Cap.xxiii.	48
Mulier sub rotâ molari mirificè seruata. Cap.xxiv.	50
Sartor, qui acum in os immiserat & porrò demiserat, liber ab eâ redditus. Cap.xxv.	51
Oculus ex ictu faucius statim sanescit. Cap.xxvi.	52
Bauarus nobilis in naui à morte eripitur, & item Hallas venit. Cap.xxvii.	53
Auriga cum carro, & ipse sub eo in aquam lapsus, vitâ donatur. Cap.xxviii.	55
Multiplex tutela cuiusdam militaris viri, in pugnâ, & post pugnam. Cap.xxix.	56
E carcere vir nobilis liberatur, & Hallas porrò ducitur. Cap.xxx.	60
Cacula militaris à suspendio liberatus, cum Diuam inuocasset. Cap.xxxi.	62
Religiosa virgo à Spasmo libera statim reddita. Cap.xxxii.	64
Plura miracula, variij generis, variis locis, è Tabellis aut inscriptionibus collecta, & serie temporû digesta. Cap.xxxiii.	65
Sodalitas Beatæ Virginis, & Principum aliquot inscriptorum nomina: tum aliquid de supplicatione. Cap.xxxiv.	70
Dona memorata, sed tantum Principum, idque eorum qui Belgicæ præfuerunt. Cap.xxxv.	72
Finis, & precatio. item Penna nostra Diuæ suspensa. Cap. xxxvi.	79





OS GVILIELMVS DE BERGHES  
DEI ET APOSTOLICÆ SEDIS  
GRATIA ARCHIEPISCOPVS ET  
DVX CAMERACENSIS, *Visa narra-*

*tione miraculorum qua Beata Virgo Ecclesia Paro-*  
*chialis Oppidi Hallensis nostra Diœcesis Cameracen-*  
*sis, pro summa gratia qua apud Deum Omnipoten-*  
*tem, & Iesum Christum eius Filium Dominum no-*  
*strum pollet, variis temporibus patrauit; & de qui-*  
*bis nobis constitit; eadem miracula ab Ornatissimo*  
*Viro Domino IVSTO LIPSIO, Ser<sup>morum</sup> Archidu-*  
*cum Belgij Principum Historiographo, fideliter colle-*  
*cta & descripta, approbanda duximus, prout tenore*  
*prasentium approbamus. Datum in Palatio nostro*  
*Archiepiscopali Cameracensi, sub nostra signatura &*  
*paruo sigillo, Anno Domini Millesimo sexcentesimo*  
*quarto, Mensis Verò Aprilis die quarta.*

Guilielmus Archiepiscopus Cameracensis.

V<sup>r</sup> Valerianus Flossius Vic. Generalis.

*De mandato Ill<sup>mi</sup> & R<sup>mi</sup> Domini*

D. le Mefureur Secret.

## APPROBATIO.

**L**ibellus iste non solum vtiliter, sed & religiosè vulgabitur, quod in eo descripta miracula non tantum ad Deiparæ Virginis honorem excitent, sed ad ipsius quoque Dei amorem mirificè accendant, si in illis diuinæ bonitatis ac suauitatis erga Deiparam & Sanctos Viscera considerentur; quibus, quod sibi omnipotentia & diuinitatis iure est proprium, non modò Deiparæ ac sanctis, verumetiam (quod mirabilius est) eorum imaginibus; &, vt in Actis Apostolorum legimus, vmbris, semicinctis ac fudariolis communicare dignatur. 5. Calend. Feb. 1604.

*Guilielmus Fabricius Nouiomagus, Apostolicus ac Archiducalis librorum Censor.*



# PRIVILEGIUM CÆSAREVM.

**R**VDOLPHVS SECVNDVS diuina fauente clementia electus Romanorum Imperator semper Augustus, ac Germaniæ, Hungariæ; Bohemiæ, Dalmatiæ, Croatiæ, Sclauoniæ Rex, Archidux Austriæ, Dux Burgundiæ, Stiriæ, Carinthiæ, Carniolæ & Wirtembergæ, &c. Comes Tirolis, &c. Nostro & Sacri Imperij fidei dilecto IUSTO LIPSIO gratiam nostram Cæsaream. Postquam inter alia, quæ DEVS immortalis hominibus liberali manu dedit dona, illustria inprimis illa & quasi diuina sunt, quæ in litteris liberalibusque disciplinis consistunt, quibus scilicet homines non tantum ab animalibus ceteris rationis expertibus, sed à rudi etiam & imperito hominum vulgo ita distinguuntur, ut tanquam Dij quidam splendere in terris videantur: rem sanè præclaram seque dignam illi præstant, qui diligentem iis ipsis in litteris ac disciplinis operam ponunt; præclarissimam verò & Reipub. vtilissimam, qui eas ita excolunt, ut aliorum menti docendo, scribendo lumina præferant, eosque ex ignorantie tenebris quasi manu educant. Quos excitare; quos amare atque animare ad dignitatis nostræ munus, ad quod Diuino vocati beneficio; concessuque sumus, inprimis pertinere existimamus. Cum itaque ab iis, quorum nobis spectata fides; qui que iudicare de Litteris possint, acceperimus; insignes te animi ingenique tui dotes tibi à natura insitas à primis temporibus ætatis tuæ ita litterarum ac disciplinarum studiis excoluisse atque exornasse, ut olim iuuenilibus adhuc annis præclara florecentis minimeque vulgaris eruditionis specimina præbueris, dum obscura in antiquis scriptoribus loca, quæ quædam tanquam lustra erant, illustrasti, quæque in iis iniuria temporum deprauata & corrupta fuerunt, restituisi, dum vetusta Latine antiquitatis rudera in nouam subinde structuram singulari artificio eleganter conuertisti: ad exquisitam adeò & raram doctrinam, quæ magnam de te apud doctos quosque viros opinionem excitari, peruenisse, eamque variis abs te libris acri & graui cum iudicio scriptis atque in lucem editis ostendisse, ut in eo quod tam feliciter tractes scriptionis genere paucos tibi pares hodie reperire sit: iam verò matura te ætate virum, viro magis magisque digna, & viris doctis grata ac Reipub. vtilia scribere, quæque à primis illis Romanis olim auctoribus scripta fuerunt, à mendis purgare, & lectissimos quosque ex Musarum hortis, in quibus assidue versaris, flores colligere, concinnare, quibus Lectores mirifice recrees, & eorum pectus ad prudentiam, probitatemque informes: haudquaquam præterminare volumus, quin Reipub. ad quam hæc abs te ornamenta conferuntur, causa, Cæsareo te nostro elogio decorandum, & quamuis per te satis ipse animatus sis, animandum magis patrocinioque nostro defendendum pro benigna nostra in te susciperemus voluntate. Quoniam verò lucubrationibus atque operibus tuis in lucem edendis, peculiarem te eligere velle Typographum, accepimus, Diplomate hoc nostro privilegioque te & Typographum tuum aduersus quorumcumque fraudem, qui lucri causa, quod fieri solet, eadem excudere aut typis imitari tortè velint, munitos cupimus. Quamobrem pro auctoritate nostra Cæsarea decernimus.

mus, statuimus, vetamusque, ne quis Typographorum, Bibliopolarum aut aliorum, qui librariam negotiationem exercent, eos libros, quos tu editurus es, quocunque modo, charactere, aut forma, siue integros, siue aliquam eorum partem typis imitari, edere, excudere, aut venundare intra sacri Romani Imperij, Regnorumq; ac Dominiorum nostrorum hæreditariorum finestriginta annis proximis à primo editionis die computandis, absque tuo tuorumve hæredum consensu audeat: Hac autem lege addita, ut tria ut minimum cuiusque libri exemplaria, quemadmodum moris est, ad Imperialem nostram Cancellariam mittantur. Si quis verò edictum hoc nostrum transgredi, violare, aut contemnere deprehensus fuerit, eum non solum eiusmodi libris, tibi, hæredibusve tuis, auxilio Magistratus, ubicunq. reperti fuerint, vendicandis, priuari, sed triginta etiam Marcharum auri puri multa, cuius semissis quidem Fisci nostri Procuratori, fraudis vindici; alter verò semissis, tibi hæredibusve tuis pendatur, puniri volumus. Mandantes vniuersis & singulis nostris & sacri Romani Imperij subditis & fidelibus dilectis, tam Ecclesiasticis quàm Politicis, cuiuscumque status, gradus aut ordinis extiterint, præsertim verò iis, qui in Magistratu constituti, vel suo vel superiorum suorum loco aut nomine, ius dicunt, iustitiæque exercent, ne quemquam hoc Priuilegium nostrum impunè violare, spernere aut negligere patiantur: Sed, si quos contumaces compererint, constituta à nobis multa, eos puniri & quibuscumque modis coërceri curent, ni & ipsimet grauissimam nostram in se conuerture indignationem velint. Id quod hoc Diplomate, manu nostra subscripto, & Cæsarei nostri sigilli impressione munito, confirmamus. Datum in arce nostra Regia Pragæ, die prima mensis Augusti, Anno Domini Millesimo, Quingentesimo, Nonagesimo secundo: Regnorum nostrorum Romani decimo septimo, Hungarici vigesimo, & Bohemici itidem decimo septimo.

*Subsign.*

**RVDOLPHVS.**

Iacobus Curtius à Senfftenaw.

*Ad mandatum sacre Cæsareæ M<sup>tie</sup> proprium.*

Io. Baruitius.

*Additum sigillum Cæs. M<sup>tie</sup> in cerâ rubrâ.*



SVMMA PRIVILEGII REGII.

**P**HILIPPVS Dei gratia Hispaniarum, &c. Rex Catholicus, diplomate suo sanxit, nequis, Iusti Lipsij Historiarum in alma Vniuersitate Louanienſi Profefſoris, & item Historiographi ſui libros quoscuque, à Cenſoribus legitimis approbatos, præter ipſius, heredumve eius, voluntatem, intra triginta annos à prima ſingulorum librorum editione computandos imprimat, aut alibi terrarum impreſſos, in has inferioris Germaniæ ditio- nes importet, venaleſve habeat. Qui ſecus faxit, præter librorum conſiſcationem triginta marcharum auri puri illatione mulſtabitur. Vti latiùs patet in litteris, datis Bruxellæ xiv. Febr. M. D. xcviij.

Signat.

*Verreycken.*

**T***Ibi JOANNES MORETE, pro amicitia quæ mihi cum Plantino (heu, quondam meo) & Plantinianis eſt ac fuit, tibi, inquam, permitto, uti hunc meum de DIVA VIRGINE HALLENSI libellum typis tuis excudas ac diuulges. Nequis alibi alius præter te, cupio ſue iubeo, ex lege quam magnus Cæſar & Rex meus dixerunt.*


Iuſtus Lipſius.

A N T V E R P I Æ,  
EX OFFICINA PLANTINIANA,  
APVD IOANNEM MORETVM.

M. DC. V.









SPECIAL

PA

8545

A6

1602

V.2

87-B

20914

Bound with:

87-B 20942

21377

21407

21417

21420

21562

21613

21830

THE GETTY CENTER  
LIBRARY







JUSTI LIPSII  
OPERA

TOM.  
II.